


特1
2498

帳
入



国立国会図書館 請求記号 特1-2498
タイトル 『東醫寶鑑内景篇4卷外景篇4卷雑病篇11卷湯液篇3卷鍼灸篇1卷目2卷』

ガラス使用

東醫寶鑑雜病篇卷之八上

東醫忠勤貞亮 聖功臣崇祿大夫陽平君 許浚 奉教撰

癰疽下

腸癰腹癰 關元欲屬小腸天樞欲屬大腸丹田欲屬三

焦其穴分隱痛者為疽上肉微起者為癰也

癰○腸癰為病小腹腫而強按之則痛小便數似

淋時時汗出發熱而復惡寒身皮甲錯腹皮急如

腫狀甚者腹脹大轉側有水聲或遠臍生瘡膿從

瘡出或有出臍中者惟大便下膿血者自愈○

濕熱鬱積腸內成癰脈遲緊者宜大黃牡丹湯或

五香連翹湯方見下之脈芤澁者四物湯方明加

桃仁紅花玄胡索木香脈洪數者三仁湯小腹疼

尿澁者膿滯也宜牡丹散○腹皮急按之濡身

東醫寶鑑

卷八上

雜病篇

特1
2498

無熱乃陰冷所致宜牡丹散或內托十宣散加茯苓甚者敗醬散小腹痛痞堅按之痛身有熱乃結熱所成宜大黃牡丹湯或桃仁承氣湯麩黃黑散
痢○腸癰冷熱證雲母膏為丸牛膝湯吞下利去瘀膿即愈或蠟礬元亦佳坊見○腹癰者生於肚腹皮裏膜外左關脈洪數而腹痛甚者是也治法同腸

脈法

腸癰難知脈滑可推數而下熱腸癰何疑遲緊未膿下以平之洪數膿成不下為宜
○跌陽脈滑而數當知尿膿也
○腸癰之脈滑而數滑則為實數則為熱滑則為榮數則為衛衛數下降榮滑上升榮衛相干
血為敗濁

大黃牡丹湯

治腸癰脈遲緊膿未成可下之大黃芒硝各一錢半牡丹皮桃仁瓜蒌仁各二

錢半右剉作一貼水煎服有膿即下膿無膿即下血○一名大黃湯一方有冬瓜仁無瓜蒌仁神效

三仁湯

治腸癰腸中病痛縱非癰疑似間便可服薏苡仁三錢冬瓜仁二錢半桃仁牡丹皮各二

錢右剉作一貼水煎服

牡丹散

治腸癰冷證腹軟而痛時下膿血牡丹皮人參天麻白茯苓黃芪薏苡仁桃仁白芷當歸

川芎各一錢官桂甘草各五分木香三分右剉作一貼水煎服

敗醬散

治腸癰身無熱腹濡冷薏苡仁二錢半敗醬一錢半附子炮五分右剉作一貼水煎服小

便當下膿血而愈
○一名薏苡附子敗醬散



黃黑散

治腹內癰腫大黃一兩取末四錢半破故紙一兩取末二錢牛蒡子一兩取末一錢黑牽牛子一兩取末二錢右和勻分二貼每取一貼蜜水調空心服以利為度

腸癰治驗

一婦腹痛百方不效孫兆診曰腹痛脈當沉細今反滑數此腸癰也雲母膏作丸溫

酒吞下服一兩下膿血而安○灸腸癰法屈兩肘正肘頭銳骨端是穴灸百壯下膿血而安

臂癰

臂上手陽明經分生癰此得之入風之變者傷于風者上先受之宜服白芷升麻湯

白芷升麻湯

治臂癰黃芪酒黃芩各四錢生黃芩三錢白芷一錢半升麻桔梗連翹各一錢

酒紅花甘草各五分右剉分二貼每取一貼酒水各半煎服

醫癰

醫癰其位僻雖曰多血氣運不到血亦罕來中年後不可生癰纔有腫痛叅之脈證但見虛弱便與滋補

氣血可保終吉若用尋常驅熱舒氣之藥虛虛之禍如指諸掌研○醫癰初起未成膿者隔蒜灸再用葱熨法欲作膿者內托羌活湯痛甚者仙方活命飲見疔腫硬者托裏消毒飲見潰後宜加味十全湯坊見尻醫癰堅硬腫痛宜內托羌活湯坊見

懸癰

穀道前後生癰謂之懸癰此病生穀道外腎之間初發如梧子大甚痒漸如蓮子數十日後始覺赤

腫如桃子即破若破而小大便皆從中出者為難治宜服國老膏○此疾首尾常服國老膏雖患亦輕雖潰亦淺誤用寒涼則不可救○初起作痛尿澀者仙方活命飲坊見去大黃服之膿已成者急鍼之入成漏者加味十全湯坊見蠟礬元坊見○穀道中生瘡取水中荇葉細搗綿裹納下部日

三即愈門

國老膏

治懸癰橫紋大甘草帶節一兩四寸切以山
間長流水一椀文武火慢慢煎水炙自早至
午乾則投前水再炙直待水盡看甘草中心潤透
為度細剉好酒二升煎取一升空心隨量飲之三
日一服二三服可保無虞此藥雖不即消過二十
日後必盡消有人患此癰已破服兩貼瘡即合甚

妙

便癰

俗名便毒實血疔也一名騁馬癰此奇經衝任為
病而癰見於厥陰經之分野其經多血故又名血
疔或先有疔瘡而發或卒然起核疼痛而發皆熱
鬱血聚而成初發宜疎利之即散變膿後如常用
托裏內補之藥。便毒處所上不在腹下不在
腿介乎兩者之中也。便癰生於腰膝小腹之

間或一邊腫痛或左右兩邊俱發先用五苓散

噴加大黃或雙解散復元通氣散。便癰痛甚者仙

方活命飲。便癰宜蘇方

散。便癰宜蘇方

散。便癰宜蘇方

散。便癰宜蘇方

散。便癰宜蘇方

散。便癰宜蘇方

散。便癰宜蘇方

散。便癰宜蘇方

牡蠣大黃湯

治同。大黃牡蠣煨各二錢五分甘草
一錢黃瓜蔓一箇右剉作一貼水煎服

蘇方散

治便癰。木鱉子當歸尾赤芍藥白芷川芎射
干大黃金銀花穿山甲沒藥蘇木甘草各八

分右剉作一貼酒
水各半煎服



傳

消毒飲

治便毒三四日可消皂角刺金銀花防風當歸大黃瓜蒌仁甘草各一錢三分右剉作一

貼水酒各半煎服仍類提掣頂中髮立效

玉燭散

治便毒腫痛大黃芒硝各二錢川芎當歸赤芍藥生地黃甘草各一錢右剉作一貼水煎

空心服

神奇散

治便毒魚口瘡便毒潰者牡蠣大黃各三錢黃連黃芩黃栢金銀花連翹各一錢半穿

山甲三片土炒木鱉子三箇去殼黃蠟三兩右剉分作二貼酒水各半煎服

雙解散

治便毒大黃黑丑炒頭末各一錢半官桂白芍藥澤瀉桃仁各一錢甘草七分右剉作一

囊癰

貼薑五片水煎服空心先小便快是熱從小便出也後大便利皆是稠毒也

或因陰道或虧水道不利而然膿盡自安勿藥可也或有因腹腫漸流入囊腫甚而囊自裂開尋丸

懸掛水出以麩炭末付之外以紫蘇葉包裹仰臥養之○癰疽入囊者會治數人悉以濕熱入肝經

處治而用補陰藥佐之雖膿潰皮脫尋丸懸掛者皆不死○取紫蘇葉焙乾為末付之如燥香

附骨疽

潤之皮脫者青荷葉包之其皮自生

附骨疽與白虎飛尸痛淺按之則便止附骨疽則走注不定白虎飛尸痛淺按之則便止附骨疽則

痛深按之亦無益○白虎飛尸亦能作膿着骨而

生及其腐潰碎骨出盡方愈然則同是一病但淺

深不同耳○附骨疽筋骨之內痛如錐刺外則

全無赤腫突起初因露卧風冷或乘涼浴水寒濕



襲深初起痛不能轉寒熱無汗經久寒鬱為濕變而為膿膿成即用火鍼使毒不得內潰初起宜漏蘆飲子五香連翹湯坊見疎下之次用內消升麻湯在尻齶宜內托羌活湯坊見在腿內羌活防已湯在腿外托裏黃芪湯黃連消毒飲坊見潰後久不愈宜蟾蜍膏赤朮元平肌散最妙兼用青皮痛而肉色不變名附骨癰三生散最妙兼用青皮甘草節二味煎服附骨疽與緩疽石疽賊風相類宜辨而治之

緩疽石疽賊風辨

緩疽石疽皆寒氣伏於骨髓之間肉俱爛故名曰緩疽○腫與皮肉相似疼而堅硬如石故謂之石疽生商陸根搗爛和鹽少許塗付日一換即軟○賊風由風邪搏於骨髓故其痛亦徹骨遇寒則甚外證惡寒有汗痛處常欲熱熨失

治則變為彎曲偏枯○緩疽石疽宜服補虛托裏溫熱之劑賊風宜服越婢湯疎通之劑

始發預防法

蒼栢湯服此不愈加麻黃一錢用二三貼又不效恐疽將成急掘地坑以火燒紅沃以小便令患人赤體坐其上以被圍抱下體使熱氣熏蒸氣血暢而愈

漏蘆飲子

治附骨疽初起宜服他惡瘡初起亦可服大黃一錢半漏蘆白斂黃芩麻黃枳實升麻赤芍藥材硝甘草各一錢右剉作一貼水煎服

內消升麻湯

治附骨疽疎下後用此大黃升麻當歸黃芩赤芍藥枳實各一錢半甘草一錢右剉作一貼水煎服



羌活防己湯

治附骨疽發於太陽厥陰太陰分者羌活川芎蒼朮各一錢二分防己木香連

翹射干白芍藥木通當歸尾蘇木甘草各七分右剉作一貼酒水各半煎服

托裏黃芪湯

治附骨疽發於足少陽陽明分者當歸尾一錢七分柴胡一錢半白芷一錢二

分連翹鼠粘子肉桂黃芪各一錢黃柏升麻甘草各五分右剉作一貼酒水各半煎服

蟾蜍膏

治附骨疽久不差膿汁敗壞或骨從瘡口出大蝦蟆一枚亂髮雞子大猪脂四兩右以猪

脂煎二物令稠去滓凝如膏貼之先以桑白皮烏豆煎湯淋洗瘡口拭乾然後貼之

赤朮元

治附骨疽久不差赤朮一斤泔浸去油用川椒葱白同煮黑色焙乾茴香破故紙川練子

炒赤茯苓白芷桃仁各一兩右爲末蜜丸梧子大溫水下百丸

平肌散

治附骨疽成漏久不合老狗頭骨蝦露蜂房亂髮灰各二錢半新桑白皮末一錢一分半

右爲末入輕粉麝香各少許濕則乾糝乾則油調付之

三生散

治附骨疽及瘡口久不合神驗露蜂房蛇蟻亂髮各等分燒存性爲末每取三錢溫酒調

下空心服

青草蒼朮湯

治附骨疽始作宜預防青皮一錢半甘草節五分蒼朮黃柏各三錢右剉作一

貼水煎和薑汁三匙空心飲之一方火加條芩體虛加牛膝

流注骨疽

流者行也注者住也或結塊或慢腫皆因素有痰火或感風寒邪氣流行至其痰注之處

而發多生四肢或胃腹腰腎關節之處初起宜蒸熨法坊見實者十六味流氣飲坊見兼服竹瀝達

東醫寶鑑

卷八上 雜病篇

七

痰丸 妨 腫 通用 榮衛返魂湯 合二陳湯 妨 腫 令其
 自消 自潰 若潰後久不斂 宜以托裏為主 更佐以
 豆豉 餅 琥珀 膏 靛 靛 成以火 鍼 破之 臥 〇 流注
 起於傷寒 傷寒表未盡 遺毒於四肢 經絡 澁於所
 滯而後為流注也 蓋流注者 傷寒之餘毒 骨疽者
 流注之敗證也 翻 〇 痰飲流注於背 頭項 腋脇
 腰腿 手足 聚結 腫硬 或痛 或不痛 按之 無血 朝雖
 或有微紅 亦淡薄 不熱 堅如石 破之 無膿 或有薄
 血 或出清水 或如紫汁 又有壞肉 如敗絮 或又如
 瘰癧 在皮肉之間 如雞卵 可移動 軟活 不硬 破之
 亦無膿 膿血 鍼口 努肉 突出 惟覺 咽 喉 痰 塞 作 寒 作
 熱 榮衛返魂湯 主之 齧 〇 骨疽者 由瘡潰後 氣血
 不榮 骨自脫 出膿 水腐 潰碎 骨出 盡方 愈 蓋 人 身
 有正骨 附骨 傅合 成形 附骨 出則 愈後 如常 正骨
 腐出 則為 終身 廢疾 隨腫 腫硬 之處 潰後 久不 愈 則
 必出 碎骨 外用 附子 餅 炙 或 葱 熨 法 祛 散 寒 邪 補

接榮氣則骨自脫 瘡自斂矣 臥

榮衛返魂湯

主一切痰飲為患 專治痰腫 又治癰疽

烏枳殼 茴香 烏藥 當歸 甘草 各一錢 右剉作一貼
 酒水各半 煎服 〇 一名追風通氣散 一名通順
 散 又名何首烏散 此方宜與十宣散 相間用之 並
 加忍冬 藤 〇 凡氣血逆於肉 理令壅結 為癰疽
 此藥大能順氣 行血 自然榮衛通順 不生變証 尤
 合內疽 〇 虛加炮附子 實加大黃 痰盛加南星
 半夏 腫毒 堅硬 不穿 加川芎 麻黃 葱白 全蝎 穿山
 甲 流注 加獨活 流注者 氣血凝滯 加獨活 則可以
 動一身 血脉 既動 豈復有流注乎 〇 此藥
 治流注 癰疽 發背 至於救壞病 活死肌 弭患於未
 萌之前 拔根於既愈之後 大能順氣 活血 蓋氣陽
 也 血陰也 只調陽 不和陰 則氣耗而疑 肌必不活



如五香連翹之類是也。只和陰不調陽則血旺而氣弱病必再作。如內補十宣之類是也。此藥兼之真神仙妙劑也。

疔疽

發於足上下名曰四淫其狀大癰不急治之百日死。發於足傍名曰厲疽其狀不大初從小指發急治之去其黑者不消輒益又治百日死。發於足指名曰脫疽其狀赤黑者死不治不赤黑者不死治之不裏急斬之否則死。○膏梁之變足生大疔。○疔瘡初發突起如釘蓋故謂之疔。近世多見因食自死牛馬禽獸之肉而發或感襲天地暴蒸之氣而發或恣食辛辣厚味積毒而發其形有十三種治法皆同初起僅一小瘡殺人於一二日之內比之癰疽尤毒又有紅絲疔魚臍疔其毒尤甚。○疔瘡發無定處在手足頭面骨節間最急其餘處為緩。○

疔疽形證

疔疽生黃疱中或紫黑色初發必先痒後痛先寒後熱四肢沉重頭痛心驚眼花若大重則嘔逆為難治。○瘡頭黑硬如釘四畔帶赤如火盤根突起隨變焦黑未幾腫大而光轉為濕爛深孔透肌如大鍼穿之狀。○外證心驚頭痛拘急惡寒四肢痛強或寒熱交作頰舌間赤黑點點如珠。○或不痛痒只麻木寒熱眼中流火牙關緊急時時驚惕甚則嘔吐喘躓。○以鍼刺瘡不痛無血是其候也。又中陷如釘蓋撼之有根是疔也。

疔疽治法

凡疔瘡毒氣攻心欲死以鍼刺瘡心若覺痛有血下。○若累刺至心則皆不痛無血者急刺百會穴痛有血者下。○若無血以親人熱血代之猶活。○三四宜用迴瘡。○若碧霞。○迴瘡。○酥錠子。○又法急以艾炷灸之。○鍼釘四邊皆令血出以迴瘡。○錠子。○緋之上。○用膏藥貼之。○因

服五香連翹湯千金漏蘆湯見坊疎下之若鍼之不痛無血者以猛火燒鐵鍼通赤於瘡上烙之令如焦炭取痛為效亦維前錠子經一二日膿淇根出服托裏湯散以取平復○治法急用飛龍奪命丹或雄黃丸下之去其毒熱次服化毒丸及二活散○實者初服賽命丹○見三九以葱酒發表虛者服保生錠子以解毒○通治紫金錠返魂丹一捻金神效奪命丹蟾酥丸獨蟾丸五聖湯還魂散千金消毒散選用

紅絲疔 疔瘡或有一條如紅線直上倉卒之際急用香等膏於正瘡內塗之鍼時以病者知痛出血為好否則紅線入腹必致危殆○疔生兩足多有紅絲至臍疔生兩手多有紅絲至心疔生面部多有紅絲入喉者俱難治急鍼其絲出血以泄其毒

方可保生

魚臍疔

又有一種瘡頭黑深形如魚臍破之滲出黃水四畔浮漿謂之魚臍疔其毒尤甚絲瓜葉連鬚葱白韭葉各等分研搗如泥取汁以酒和服其滓貼臍下如病在左手貼左腋在右手貼右腋下在左腳貼左跨在右腳貼右跨在身中貼心臍并以帛縛住候肉下紅絲皆白則安矣或蛇退燒灰雞子清調付內服神仙解毒丸

脫疽疔

內經曰膏梁之變足生大疔蓋因膏梁酒色蘊積惡毒或久患消渴之餘多有此瘡靈樞經所謂發於足傍名曰厲疽發於足指名曰脫疽其狀赤黑者死不治治不衰急斬之否則死正謂此也謂之脫疽以其指節潰爛脫去也○輕者色赤白潰先用隔蒜灸內服仙方活命飲坊見還



魂散重者色黯不痛先用隔蒜炙更服賽命丹
上及補藥庶可保生○甚者赤變為黑急須在指
則斬在內則割否則黑延上足必死外治用桐油
及無名異煎一沸入川椒一勺看瘡大小剪蓼葉
在內同煎浸七日後單
以此葉貼瘡上即安

一方治疔疽危篤二服即愈輕者一服效土蜂房一
性為細末每一錢空心好酒調服少頃腹中大
痛痛止而其瘡已化為黃水矣因服五聖湯端

疔疽死證

疔瘡含蓄毒氣突出寸許痛痒異常一二
日間害人甚速是尤在癰疽之上也

疔毒入心則口乾煩悶恍惚似醉嘔吐不定危證
也萬病解毒丹錮錄世以黃連當歸煎湯化下或
賽命丹淵然真人奪命丹皆可服○疔毒入心
腹則煩悶嘔逆恍惚癡暗其斃可立待也

瘡走黃過心者難治若太重則嘔逆嘔逆者難治
如用乳粉托裏散

死○人有暴死者多是疔毒急以燈照遍身
若有小瘡急灸之并服賽命丹亦有復甦者

拔疔法

於石上必撒糞候糞上生菌取培乾與蓼葉

草葉等分為末用竹筒兩頭去節套在疔上陷入
肉內以線緊縛取藥末一匙滴水和之放於筒內
少時藥滾起則疔自拔起未效則漸加度數其疔
必拔去後以金銀白芷散調之○宜用迴瘡
鏡子或保生鏡子四聖旋生散拔去疔根調治
○蒼耳莖葉燒灰醋調塗疔上乾則易不過十度
即根出和雄黃尤妙○蟬蛻白殭蠶為末醋調
雷瘡口塗四圍瘡疔根出拔去○蟻蝦安濃米
泔小盞中以火逼之虫熱喫泔及困死取腦中白
肉新瓦上焙為末熱酒調二錢服仍以少許塗疔

上根自出。一云蟻娘於心腹下度取之其肉
 稍白貼疔上根出即愈。○斑猫一枚捻破以鐵
 刺疔上封之根即出。○取黑虱十枚置疔上以荻
 箔繩作炷炙虱上即根出。○白狗屎燒存性和酒
 服又塗疔上根自出。○苦荳取莖中白汁塗疔
 上出根。○馬齒莧和梳垢爛搗封疔上根出。○

食疫死牛馬禽獸肉生疔

近見患疔者皆是食自死
 牛馬禽獸之肉而生此疾

十患十死宜急取紫金錠半錠淡酒化下重者服
 一錠外用凉水磨塗疔上日夜各數次或吐或利
 神效。○白頸蚯蚓人九條搗爛和酒濾去滓飲之
 其滓塗疔四圍雷頭出毒氣。○大蜘蛛一箇放疔
 上自啞其毒連易三五箇其毒自敗以蜘蛛
 蛛入水不傷蛛命又兼用蜈蚣法。○

紫金錠

一名萬病解毒丹治癰疽發背諸腫諸疔
 瘡惡瘡一切腫毒。○

重者一錠外以凉水調塗患處一日
 數次即效。惟已潰出膿血者忌服。

返魂丹

治十三種疔瘡危惡者雄黃白礬各二錢
 硃砂膽礬各一錢半蟾酥血竭銅綠各一錢

輕粉沒藥乳香各五分麝香一字蝮牛生不拘多
 少右為末以蝸牛膽酥研爛和丸。○
 令病人先嚼葱白三寸許放在掌心將藥丸裹在
 葱內以熱酒一盞吞下暖處卧汗出為效。○
 內經曰汗之則瘡已蓋此藥能化毒為汗也。

一捻金

治疔疽即賽命丹。○
 酒調下如服賽命丹後毒未盡起再用此藥

催之服此藥後
 身涼者即死。

神效奪命丹

治疔瘡惡瘡及破傷風昏沉危急者。○
 砂二錢半為末輕粉血竭各二錢枯白



礬蟾酥各一錢銅綠一字蝸牛二十箇右末用初男乳汁和丸梧子大珠砂為衣患人自嚼生葱白數條吐出暴藥一丸以溫酒吞下如吐逆以熱酒壓下遍身汗出毒氣自消

蟾酥丸

治疥瘡惡瘡無名腫毒殊砂雄黃各三錢麝香一字右末端午日取蟾酥和丸黍米大蔥

酒下三九

五聖湯

治疔疽皂角刺一兩大黃金銀花甘草各五錢黃瓜萸一箇右剉酒二升同煎至八分溫

服

還魂散

治疥瘡及癰疽能令肉消去毒化為黑水從小便出萬無一失知母貝母白芨半夏天花

粉皂角刺乳香金銀花穿山甲各一錢右剉作一貼好酒一碗同煎至半碗去滓乘溫盡服將渣搗

爛加芙蓉葉一兩蜜水和付瘡上如乾以蜜水潤之過一宿自消

千金消毒散

治疥瘡發背一切無名惡瘡腫毒初發脈洪數弦實欲作膿者當歸金銀花各

二錢大黃芒硝連翹黃芩赤芍藥各一錢皂角刺牡蠣天花粉各五分右剉作一貼酒水各半煎服

迴瘡錠子

治疔疽神效草烏一兩巴豆肉七箇蟾酥粳米大七粒麝香一字右為末麵糊和作

錠子先鍼瘡頭至痛見血用此錠紐人以膏藥貼之重者於瘡四圍貼之二三日疔根自拔出

一名迴生錠子

碧霞錠子

治疔瘡及惡瘡不覺痛銅綠一兩硃砂一錢蟾酥一錢右末飯和作錠子先鍼瘡



心出血以錠子紙
之用膏貼之

迴瘡蟾酥錠子

治疔瘡天兩星
紫冬花巴豆肉黃丹
砒礬各一錢獨治五分
斑貓七箇右
細末用新蟾酥和勻
如黍米大作錠子
先以鍼刺
疔頭有血出下
錠子以膏藥貼之
膿出自差

飛龍奪命丹

治疔瘡及惡瘡
砒礬三錢
礬砂鵬珠乳香沒藥
黃丹血竭各二錢
麝香一錢二分
半南星半夏各一錢
斑貓十二箇
去足翅巴豆十二箇
去皮油右為末
蟾酥汁和丸
紅豆大五分內取一分
加入斑貓四箇
然後稔成
錠子如小麥大
先用鍼刺疔心
下錠子用飯粘紙
封口用前四分內一丸
噙在舌上涼水送下

雄黃丸

治同上雄黃
金皂角全蝎各一錢
巴豆肉十四箇
麝香少許
右末滴水為丸
菜豆大茶

化毒丸

治同上硃砂
雄黃各一錢
龍腦麝香各五分
輕粉一字
蟬蛻二十枚
右為末蟾酥和
於舌上取涎而愈

二活散


治疔瘡羌活獨活
當歸烏藥赤芍藥
金銀花天花粉連翹
白芷甘草節各二錢
紅花蘇木
刺芥蟬蛻乾薑各一錢
半檀香一錢
右為末每三錢
蒼耳煎湯調下

獨蟾丸

治疔瘡及一切惡瘡
蟾酥取得九如菜豆大
一蟾或作一丸
多者作二丸
每取一丸置舌
上許片時其苦水滿口
即嚥下或鍼刺
疔頭納一丸於中
紙貼護之神效

保生錠子

治疔瘡蟾酥三錢
雄黃二錢為末
用青桑皮生者二兩同搗
如泥六分重稔作錠子



硃砂為衣陰乾以冷葱湯磨服八分仍用冷葱湯吞下外用鍼刺疔頭將銀子插入被蓋出汗二日爛出即愈體虛清貴人及婦女胎前後毒淺者最宜服

神仙解毒丸 治疔瘡魚鱗瘡諸般惡瘡初發白礬不以多少焙化作丸如蒸豆大硃砂為衣每十九丸葱白煎湯送下一服立消

金銀白芷散 治疔疽金銀花二錢皂角刺一錢半黃芪當歸白芷甘草各一錢檳榔川芎防

風天花粉各五分左右為末分三匙每取一點酒水各半煎連渣服

四聖旋疔散 治疔瘡生於四肢勢微者先用醋調此末塗疔上久服托裏之藥其疔自出巴

豆肉五分輕粉調砂白麵蠶各二錢半右為細末醋調用之

癰疽雜證 有癰疽煩渴有癰疽嘔逆有癰疽痰盛有癰疽寒熱有癰疽作痛有癰疽泄瀉

癰疽煩渴 乾煩渴但用補心氣藥內補即止清○癰疽發渴乃氣血兩虛八物湯加黃芪麥門冬

山茱萸五味子○加減八味元虧明治癰疽渴疾首尾通用最佳老人尤宜○清膈竹葉湯竹

葉黃芪湯人參黃芪湯黃芪六一湯金銀花散五味子湯忍冬丸

冬湯防選用端 未潰時嘔者當作毒氣上攻治之潰後當作陰虛補之若年老人潰後嘔不能食宜

癰疽嘔逆 參苓白朮膏枏覬補之何間謂瘡瘍嘔者濕氣侵于胃也宜倍白朮○癰疽及疔瘡惡瘡毒氣攻

心則多嘔逆宜乳粉托裏散生薑甘桔湯○食不能下服藥而嘔六君子湯劫明加木香縮砂



或用獨參湯即愈

癰疽痰盛

癰疽生痰有二一者胃寒二者鬱熱俱宜陳湯或榮衛返魂湯坊見加南星半夏

癰疽寒熱

癰疽未愈之間先嘔痰而寒熱汗出而止或連日或間日宜服加味不換金正氣散

癰疽作痛

癰疽不可不痛亦不可大痛未潰前痛者為熱毒便秘者內疎黃連湯坊見膿脹痛者鍼之已潰膿出而反痛者虛也

虛實皆能為痛若熱毒之痛以寒涼之劑折其熱若寒邪之痛以溫熱之劑熨其寒虛而痛者補之實而痛者瀉之

之穢氣所觸者宜和解之風冷所逼者宜溫散之補者當歸黃芪之類和解者乳香芍藥之類溫散者防風桂枝之類

黃芪湯或十全大補湯

癰疽泄瀉

癰疽泄瀉宜乳粉托裏散以木香白茯苓煎湯調下加味不換金正氣散佐之

清膈竹葉湯

治癰疽煩渴竹葉升麻黃芪蜜炙瓜蔓根麥門冬各一錢生地黃黃芩赤芍藥

竹葉黃芪湯

治癰疽惡瘡發渴竹葉生地黃各一錢半黃芪麥門冬當歸川芎黃芩赤芍藥

人參半夏石膏甘草各七分半右
剉作一貼入薑五片水煎服

人參黃芪湯

治癰疽潰後少食不眠煩熱黃芪蜜炙
人參白朮各一錢升麻六分陳皮蒼朮

麥門冬當歸神麩甘草各五分黃
栝四分右剉作一貼水煎服

黃芪六一湯

治癰疽煩渴黃芪蜜炙六兩甘草炙一
兩右剉每三錢入薑三棗二煎服此藥

大治渴疾常服可免癰疽之患
○一方黃芪六兩半生用半鹽水潤蒸三次粉草一兩半生半炙

右末每二錢
白湯點服

金銀花散

治同上金銀花四兩甘草炒一兩
右麤末分三貼水酒相半煎服

五味子湯

癰疽口燥舌乾此腎水竭也此藥治之五
味子黃芪生人參麥門冬甘草各一錢右

作一貼水煎日
服三五次

乳粉托裏散

治癰疽惡瘡毒氣攻心迷悶嘔吐喉舌
生瘡各日心氣絕初起宜服此藥最能

返出毒氣不致內陷
○一名內托散一名護心散一名內托香粉散
末每二錢甘草湯調時時呷下一方新水調服

○一方癰疽疔瘡惡瘡須服此預防毒氣攻心
豆粉四兩乳香一兩硃砂三錢右為末每

二錢甘草湯調下名曰乳香護心散

生薑甘桔湯

治癰疽毒氣上衝咽喉室塞嘔吐不已
桔梗一兩甘草生薑各五錢右剉并

水煎
服

加味不換金正氣散

治癰疽寒熱往來或挾風邪或
內氣虛餒蒼朮橘紅半夏麩薑

香葉厚朴各一錢二分半甘草炙一錢白茯苓川芎各七分半木香五分右剉作一貼入薑五棗二

水煎服

止痛當歸湯

治癰疽穿潰疼痛人參黃芪當歸白芍藥生地黃官桂甘草各一錢右薑末水

煎服

二仙散

治癰疽疼痛不可忍白芷味麝香五錢貝母

半煎服

香靈散

治癰疽腹痛辣桂二錢半木香白芍藥五靈脂各一錢二分半右薑末每三錢入薑棗煎

服

托裏溫中湯

治癰疽陽氣下陷腹痛泄瀉咳逆昏憤附子炮二錢乾薑羌活各一錢二分半

甘草炙一錢益智丁香沉香木香茴香陳皮各五分右剉作一貼入薑五片水煎服

癰疽通治藥

千金漏蘆湯五香連翹湯仙方活命飲升陽益胃散千金內消散仙傳化毒湯榮衛

返魂湯紫金錠賽命丹淵然真人奪命丹飛龍奪命丹忍冬丸忍冬酒忍冬湯皆可用

千金漏蘆湯

治五發癰疽及疔瘡內疽一切熱毒惡腫皆治之

五香連翹湯

癰疽瘡癤癰癧結核乳癰內疽一切惡瘡毒腫皆治之

仙方活命飲

一切癰疽惡瘡毒腫皆治之內外諸毒並治排膿止痛消毒之聖藥也

升陽益胃散

五發癰疽及內外一切惡瘡毒腫皆治之



千金內消散

五發癰疽及背癰內疽一切惡瘡毒腫乳癰腸癰便毒皆治之坊見

仙傳化毒湯

癰疽發背內疽乳癰一切無名腫毒皆治之坊見

榮衛返魂湯

凡氣血逆於肉理令癰結為癰疽毒腫此藥大能順氣勻血調和榮衛通治一

切諸癰坊見

紫金錠

治內外癰疽惡瘡疥瘡無名毒腫乳癰便毒坊見

賽命丹

治內外癰疽發背疥瘡乳癰魚口便毒一切無名毒腫惡瘡坊見

淵然真人奪命丹

五發癰疽發背疥瘡惡瘡無名腫毒皆治之坊見

飛龍奪命丹

治五發癰疽發背疥瘡惡瘡乳癰附骨疽一切無名腫毒坊見

忍冬丸

通治一切癰疽諸瘡消渴後發疽尤宜服此忍冬草不以多少根莖花葉皆可用右入瓶

內好酒浸以糠火煨一宿取出曬乾入甘草少許搗為細末以所浸酒打麵糊和丸梧子大每服百丸酒飲任下

丸酒飲任下

忍冬酒

治一切癰疽惡瘡背癰乳癰不問發在何處初發便當服此百發百中忍冬藤生取一把

以葉入砂盆研爛入酒少許調和塗付四圍中心留一口又取五兩搥碎甘草生一兩剉入砂瓶內

水二碗文武火煎至一碗入好酒一大碗煎至三沸分三服田艾野老最宜服此

忍冬湯

治一切癰疽內發外發乳癰腸癰常服托裏消毒或加黃芪當歸各二兩尤妙方與上忍

冬酒方同歌

癰疽鍼法

鍼者末如劍鋒以取大膿也。夫癰氣之

也。納○癰疽成膿以馬銜鐵作鍼形如韭菜兩面皆利可以橫直開裂以取膿血。○癰疽如椒眼數十粒或如蜂窠蓮房而膿出痛不除宜以鉞鍼橫直裂之則毒血挾膿出而愈。○癰疽作膿若不鍼烙毒氣無從而解膿瘀無從而泄過時不鍼烙反攻其內欲望其生豈可得乎。癰皮薄惟用鍼以決其膿血不可烙也。○凡近筋脉骨節處不得亂行鍼烙。○癰疽皮厚口小膿水出不快者宜用鍼烙。○大抵用鍼只欲引膿出如

蟻鍼法

癰癩初發漸大以濕紙一片搭瘡上其一點

筆管一個安於正頂上却用大木蛭一條安其中頻以冷水灌之。蛭當吮其正穴膿血皮皺肉白是毒散無不差。如毒大蛭小須用三四條方見效。若吮着正穴蛭必死。用水救活累試奇效。如血不止以藕節上泥塗之。○蟻鍼一法可施於輕小證候若癰疽大毒積在臟腑徒竭其血於外無益也。

癰疽烙法

或問烙法何如。曰膿或汪洋欲出奈何。皮厚

膿本肉腐所成皆挾毒熱之氣若久留肉腠間則毒氣浸淫好肉亦化為膿腐。此所以烙法有功于潰瘍也。○癰疽成膿宜烙可用銀篦大二分長六寸火上燒令赤急手熨烙毒上得膿為效。○近代良醫只以金銀鐵錐其樣如鍼者以木炭熟火猛燒通赤蘸油烙之尤妙。隨鍼烙出膿者順也。如膿不出實者撚髮為紐虛者以紙為紐於紐上蘸藥紐入鍼孔引出膿毒如腫不退疼不除急服



灸石癰法

堅硬不潰名曰石癰當上灸百壯石子當碎出瘻

灸發頤法

此瘡最險頭面腫大牙齒亦脫解開頭髮尋頂螺中灸二十一壯如不達灸至四十

九壯而止

灸疔疽法

傳

大蒜爛搗成膏塗瘡四圍留瘡頂以艾炷灸之以爆為度不爆難愈灸百壯無不愈


灸便毒法

用細草隨患人左右手量中指自手掌盡處橫紋量起通三節至指盡則住不量爪甲切斷即將此草於手腕橫紋量起引草向臂當中草盡處即是穴艾炷如麥大灸二三壯腫消痛止即安

調理及禁忌法

癰疽患時將理法選風邪。少睡卧。勿驚憂。勿嗔怒。徐行動。省言語。

○戒閨房。○絕思慮。○防觸穢。○聽好事。○瘡頻洗。○藥常助。○盥漱聞香。○二便順序。○澤飲食。○內充無飢飽失度。○付藥運掉屈伸瘡口常加愛護。○妄用惡草愈滋其毒。○不忌飲食反害其瘡。○惡肉去盡瘡口收斂欲平之際尚忌起立行步揖待賓客酒肉宴會嗔怒沐浴勞動等事直待瘡痂平復精神如故氣力完全方無所忌百日內慎勿觸犯。○癰疽最宜節慎飲食其熱毒方盛或發大渴多飲冷水及水漿之類此乃毒氣攻心令口乾煩渴但以心氣藥內補臟腑即止矣。○凡癰疽勿食羊雞牛鵝魚麪煎炒法酒等味。○犯之必發熱蓋厚味能引起宿火之熱此誠富貴參養口腹者所宜謹守若冬寒與虛老人寧無權法乎畧加滋味以補胃氣庶易收斂。○膿潰之



後氣血虛弱則可食羊肉鵝鶩蔓菁蘿菔薑醬瓜
 齊稀粥軟飯若肌肉漸生思想滋味則宜食白熟
 酥餅蒸粥羹湯熟軟溫和勿令大飽齋○諸痛痒
 瘡瘍皆屬於心如茯苓茯神遠志益智石菖蒲等
 輩須當佐助於其間抑使病人不得憂恐嗔怒勞
 精疲神有觸於心尤關利害○背疽之人難於
 隱伏用菜豆十餘斗作一大袋隱伏則自然心涼
 身安○瘡瘍面赤雖伏火熱禁不得攻裏宜發
 表以去之○瘡瘍鬱冒俗呼
 昏迷慎不可下汗之則愈

單方

凡三十七種

朱砂雄黃

古之瘍醫以五毒攻瘍中物也凡解瘡毒
 不可無雄黃硃砂
 硃砂雄黃膽礬白
 礬磁石置瓦盆中火煨三日夜其烟上着蓋中以
 雞羽掃取之以注惡瘡則惡肉附骨膿血即潰出

而愈此五毒也

伏龍肝

諸癰疽發背一切腫毒以雞子黃和塗
 之或醋調或大蒜同研貼之並佳

煉石

諸惡腫及發背取石子火燒赤醋淬十餘度取
 屑為末醋調塗之即此造磨礬礬常石也

甘菊

治癰毒及疔腫垂死菊葉搗取汁飲一升神效
 又取莖葉塗疔疔上亦效名曰陶潛膏

野菊花

治疔瘡野菊花菜豆為末酒
 調飲醉睡覺痛定熱除

生地黄


治一切癰腫地黃搗為泥攤布上糝木香
 末於中再攤地黃泥貼腫上二度差

菟蔚莖葉

療疔瘡乳癰及諸毒腫
 搗取汁飲之滓外付

白鳳仙花

治癰疽發背取花連根葉搗爛先以米
 醋洗患處後付藥一日一換如神



薜荔 治背癰取葉爛研取汁和蜜飲數升以滓付

黃芪 治癰疽久敗瘡排膿止痛濃煎服之

忍冬藤 治一切癰疽腫毒花莖與葉生搗煖酒調服

蒼耳 主疥癩取莖葉燒存性醋調塗疔上當出根加

白芷 治發背乳癰能止痛生肌蝕膿

茅鍼 癰毒惡瘡不作頭酒煎茅鍼取汁

大黃 治癰疽熱毒大黃酒洗剉二錢甘草

茨菰 取根莖搗付腫毒癰上

槐花 治百種瘡毒槐花四兩炒香入酒

黃桑葉 癰疽瘡口成大窟不斂經霜黃桑

乳香 止痛長肉令諸瘡內消○凡血滯則氣壅經絡

家奇藥也

皂角刺 治癰疽能鑽引至痛處亦能宣毒

檳木皮 煎湯洗諸敗爛瘡及

生龜 刺取血塗癰疽腫



蜘蛛 治懸癰取大者一箇研爛調服隨病左右側卧良

脂麻油 治癰疽發背毒瘡初作便服使毒氣不內攻麻油煎十餘沸候冷一斤好酒二碗和勻分

五次溫服一日夜盡此神仙
載法搗○亦解陰證沉毒搗

雄雀屎 一名白丁香治癰腫已有膿未潰出以醋調雀屎如小豆大付之即穿出膿乾

甜瓜子 主腹內結聚破潰膿血最為腸胃腹內癰要藥為末酒下二三錢

蜀葵花 諸癰瘡腫痛不可忍葵根搗貼之立效○黃蜀葵花葉入鹽研爛付之亦效

葫小蒜 也治癰毒瘡腫叫呼不得卧取獨頭蒜細搗麻油調和厚付瘡上乾則易神效

人口中唾 凡癰痛微有紅頭隱疼者急用不語津唾頻塗之自消飲酒不可用

猪懸 治癰疽潰爛取猪蹄濃煎取清浸洗妙

商陸 熨除癰腫付惡瘡○一切熱毒腫商陸根和少鹽搗付日一易效

芋根 癰疽發背未成膿者芋根葉熟搗付上日數易腫消即差

醋 消癰腫歌曰發背疥瘡識者稀醋磨京墨遠四圍生薑猪膽同塗上天明恰似鬼神移

赤小豆 消熱毒癰腫作末雞子清調塗之即差亦治一切腫毒作痛

芙蓉 治發背瘡癰諸般腫毒及杖瘡芙蓉花及葉並晒乾為末醋調付杖瘡雞白清調白蓮尤佳

荊芥 搗爛和醋付疔腫甚效又水煎取濃汁服之亦可

人屎 癰疽發背欲死取野人乾屎燒存性醋和如泥付腫上乾則易甚良又治疔腫封其上日根

雜病篇



爛

東醫寶鑑雜病篇卷之八上終

東醫寶鑑雜病篇卷八下

東醫忠勤貞亮扈 聖功臣崇祿大夫陽平君臣許浚奉 教撰

諸瘡

大風瘡

脉風成爲癩癩者榮衛熱腐其氣不清故使鼻柱壞而色敗皮膚瘍癢。大風之源有三種

五死一曰皮死麻木不仁二曰肉死割切不痛三曰血死潰爛成膿四曰筋死手足脫落五曰骨死鼻梁崩塌眼斷唇翻聲啞。又曰一風者肺受病先落眉毛二風者肝受病面起紫疱三風者腎受病脚底先穿四風者脾受病遍身如癬五風者心受病先損其目。或者墳墓居址風水不吉或父母夫妻家人遞相傳染或在在外不謹糞坑房室床

東醫寶鑑

卷八下 雜病篇

一

鋪衣被橋上樹下歇息去處命值委死凶星遭此
惡疾宜服消風散追風散磨風元兼用洗藥敷藥
子然。大風者是其酷烈暴悍可畏也。得之者須分在
之痛風者以其酷烈暴悍可畏也。得之者須分在
上在下。夫在上者以醇仙散取臭涎惡血於齒縫
中出。在下者以通天再造散取惡物虫積於穀道
中出。所出雖有上下之殊。然皆不外乎陽明一經
也。脾主肌肉而肺主皮。毛乃肺及於臟病也。研
服藥下虫積後用防風通聖散助調之。重者又
與換肌散。夫上下同得者甚重。自非醫者神手病
者鐵心罕能免此。若遇此疾。切須戒鹽及一切口
味。公私世務悉宜屏去。此疾雖治得愈。若不
絕味。斷慾。皆不免再發。而終於不救。孫真人曰。嘗
治四五百人。終無一人免於死。非真人不能治。蓋
無人能守禁忌耳。初起白屑紫雲如癩風然。

或有遍身白皮脫落如蛇蛟狀。起白屑者。白
花蛇丸。眉鬚落者。三蛇丹。鼻崩者。換肌散。補氣瀉
榮湯。通用。凌香花散。如味苦參丸。換骨丸。大麻風
丸。紫雲風丸。返魂追命。再造散。烏蛇苦參元。可選
用。端。治癩。以蒼耳葉為君。更以酒煮烏蠶魚代
補。蛇之。或缺。為末。糊丸。梧子。大茶。清下。七八十九
更入。紫萍。尤捷。數月而安。明。服藥。瘳後。終
身不得食。牛馬驢騾等肉。犯者復發。必死。如
消風散。第一日服白芷全蝎人參一兩。右為末。每二
錢。勿食。晚飯。次日空心。溫酒調下。身上微

燥為效


追風散

第二日服瀉血追虫錦紋大黃六兩。爵金
脫各一兩八錢。炒皂角刺一兩半。右為末。初
服五錢。或六錢。入大風油一錢半。朴硝少許。入內
好溫酒一碗。調化。五更空心服之。直待辰時。又如

東醫寶鑑

卷八下 雜病篇

二



前調藥一碗入熟蜜少許勿令患人知先以水盥

漱淨然後服藥必以蜜解口切不可臥良久痛瀉

數次不妨以薄粥補之。此藥老弱者難治五十

以下者可治精壯者十日內三服謂如正月初一

日服消風散初二日服追風散初三日服磨風

丸又如此周而復始瘦弱者十日內一服

磨風丸 第三日服日進二次當歸羌活獨活川芎天

子牛蒡子車前子皴面草鱗蒼耳草各一兩右

晒乾爲末酒麪糊和丸梧子大温酒下五七十九

日二服仍用後藥熏洗糝付

洗藥 治滿身瘡爛地骨皮荆芥苦參細辛各二兩右

剉以河水煎用大桶盛浸浴熏洗通身出血爲

敷藥 治瘡爛遍身黑狗脊一兩朴硝五錢右爲末臘猪脂

各二兩蛇床子一兩

調付 妙類

浴法 治遍身癩瘡桃柳桑槐楮五般枝多水濃煎

湯盛大桶浸坐沒頸一日浴湯如油安矣

醉仙散 治大風癩瘡胡麻牛蒡子枸杞子蔓荆子各

一兩同炒白蒺藜苦參瓜蒌根防風各五錢

右細末每十五錢末入輕粉二錢拌勻每服一錢

茶清調下晨午夕各一服後五七日先於牙縫內

出臭黃涎渾身疼悶如醉然後利下膿血惡臭氣

病根乃去矣。服此藥時須斷鹽醬醋諸般魚

肉油膩燒炙之物只吃淡粥及煮熟時菜并

烏蛇白花蛇淡酒煮熟食之以助藥力

通天再造散 治同上皂角刺黑大者一兩半大黃煨

一兩白牽牛頭末三錢炒三錢生薑金



五錢右為末每二錢或三錢早晨面東好酒調下
當日利下惡物或膿或出膿。服藥後泄出虫視
其色如虫黑色乃是多年赤色是為近年三四日
後又進一服直候無虫乃止後取防風通聖散財
服調理痛斷滋味

換肌散

治大風年深毛脫鼻塌深重者取效如神烏
蛇白花蛇地龍各一兩當歸細辛白芷天麻

蔓荆子威靈仙荆芥穗甘菊苦參紫參沙參木賊
不灰木甘草炙白茯苓天門冬赤芍藥赤箭何首
烏石菖蒲胡麻子草烏蒼朮木鱉子川芎各二錢
半右為末每五錢温酒調下酒多為妙其中紫參
不灰木雖無不妨

補氣瀉榮湯

治癩風先使瘡上令惡氣消盡後服此
藥連煎升麻各六分桔梗五分黃芩生

地黃各四分黃芪蘇木黃連地龍全蝎當歸各三
分白豆蔻人參各二分甘草一分半胡梧淚一分
麝香少許桃仁三箇為泥虫炒水蛭炒各三箇
為末右剉除胡桐淚麝香虫水蛭另末外都作
一貼水一盞酒一盞煎至一盞去滓人細
末藥煎至七分早飯後午飯後服之

凌霄花散

治癩風神效蟬殼地龍炒白殭蚕全蝎炒
各七箇凌霄花五錢右為末每二錢熱酒

調下

加味苦參丸

治大風瘡苦參四兩防風荆芥蒼耳子
胡麻子皂角刺各二兩半蔓荆子牛蒡

子枸杞子何首烏禹餘糧蛇床子各七錢半白芷
四錢右為末皂角煎膏和丸梧子大茶清或酒下
五十丸



換骨丸

治癩風苦參浮萍各一兩半大黃槐花白芷
川芎各一兩二錢半蒼朮一兩乳香沒藥沉

香木香各三錢麝香五分右為末以麻黃五斤煎
膏和丸彈子大每一丸温酒化下忌風二三日

大麻風丸

治大麻風初起遍身瘡點五色不知痛痒
麻木證苦參一斤羌活獨活白芷白斂白

蒺藜天花粉何首烏各一兩三錢皂角刺當歸各
二兩七錢右為末別用皂角一斤剉水煎五日去

滓熬膏和丸温
酒下百丸

紫雲風丸

治癩初起如紫雲癩風或發紫血疱瘡何
首烏四兩五加皮白蠟蚕苦參當歸各二

兩全蝎一兩半茨實羌活獨活白芷細辛生地黃
防已黃連赤芍藥蟬退防風荆芥蒼朮各一兩右
為末酒糊和丸梧子大温
酒或米飲下七十丸

返魂追命再造散

治大風癩皂角刺一兩半大黃一
兩右為末每二錢冷酒調下瀉虫

出髓。一方治大風勢重不可救者皂角刺一二
斤九蒸九晒研為末食上濃煎大黃湯調下一錢

一旬鬚髮再生肌膚悅潤
眼明倍常其效如神

烏蛇苦參元

治癩風及惡癬苦參二斤半烏蛇肉八
兩石菖蒲四兩右為末蜜丸梧子大茶


清下百
丸

愈風丹

治癩疾深重一名三蛇丹治大風髮脫眉落
遍身麻木瘡爛烏蛇白花蛇土桃蛇各一條

並酒浸三日取肉為末苦參一斤剉搗取頭末四
兩皂角濃煎汁熬膏和丸梧子大以防風通聖散

煎水吞下五
十九日二



白癩瘡 癩風初起白屑剝落又一種每朝瘡上退白皮一升許如蛇蛻宜服解毒雄黃元勸嚙兼

服白花蛇九

白花蛇丸 治癩風白屑瘡痒皮膚皴燥白花蛇一條當歸二兩川芎白芷生地黃防風荆芥酒

為末將浸蛇酒和水煮麩糊和丸梧子大茶清下

五七十丸

白花蛇酒法 治大風癩瘡白花蛇一條先蒸糯米二

頓於麩上然後以糯飯和勻頓於蛇上以紙封缸口候三七日開取酒將蛇去皮骨焙乾為末每温

酒一盞調蛇末一匙服之仍以酒脚并糟做餅食之。烏蛇釀酒法亦同上

鍼法 癩風者素刺其腫上已刺以銳鍼鍼其處按出其惡氣腫盡乃止常食方食無食他食鹽。病

大風骨節重鬚眉墮名曰大風刺肌肉為故汗出百日刺骨髓汗出百日凡二百日鬚眉生而止鍼

納。癩風以三稜鍼看肉紫黑處及委中欲紫脉出死血但不可令出太過恐損真氣

天庖瘡 一名楊梅瘡與癩大同多由肝脾腎風濕熱之毒因男女房室傳染形如楊梅瘡紅濕爛痒痛

者屬心多生乳脇。形如鼓釘黃豆者屬脾多生滿面。形如綿花者屬肺多生毛髮。形如紫蒲

荀按之緊痛者屬肝腎多叢生於尻鬻兩陰筋骨之處。形如魚疱內多白水按之不緊者謂之天

庖瘡乃此類之輕者。初起即服防風通聖散一貼去麻黃以去內毒再用一貼去硝黃發汗以

去外毒以後用加減通聖散丸多服之此方為首尾要藥輕者一劑重者十貼後宜服化毒散三日

東醫寶鑑 卷八下 雜病篇 六



却用吹藥三日澹乾欲落欲落再服化毒散三日
 後量用通聖散加減凡。失治久則風毒流入經
 絡而成頑癬或氣血虛敗而成漏或悞服水銀輕
 粉而成風惟種爛流膿出汗病至於此治之為難
 亦有蝕傷眼鼻腐爛玉莖拳攣肢體與癩無異凡
 ○初起宜服消風敗毒散加減通聖散加減通聖
 丸西聖復煎丸消腫遺癩湯○筋骨痛宜香鑿湯
 通仙五寶丹仙遺癩湯換骨散回生保命丹茯苓
 湯○成漏宜象牙丸○通治宜用活魂丹水硃丸
 六六丸天疱丸三黃敗毒散取輕粉法○外治宜
 洗方搽方熏鼻方吹藥方照藥
 方滅癩法禁忌法鵝掌癬治方

加減通聖散

治楊梅瘡初起牛蒡子一錢二分防風
 白鮮皮赤芍藥連翹黃芩各一錢金銀

花五分梔子仁當歸尾各七分荆芥槐花各六
 分白殭蚕甘草各四分右剉作一貼水煎服凡

加減通聖丸

治同上即前方共半斤再加苦參半斤
 右為末酒糊或蜜和丸梧子大酒飲任

下七十
 丸凡

化毒散

治楊梅瘡重者生大黃一兩凡穿山甲五
 錢凡右為末每二錢

溫酒調下日二服凡

消風敗毒散

治天疱楊梅瘡初起當歸尾川芎赤芍
 藥升麻乾葛黃芩生地黃各一錢黃連

黃柏連翹防風各八分羌活金銀花甘草各五分
 蟬殼二箇初服加大黃二錢芒硝一錢半凡下惡

用右剉作一
 貼水煎服凡

皂根丸

治楊梅瘡成頑癬當歸二兩黃芪一兩半人
 參陳艾各一兩麻黃五錢皂角樹根皮四兩



右為末蜜丸梧子大土茯苓湯下五十九丸

仙遺糧丸

治楊梅瘡後腫塊成癰土茯苓一斤防風木通薏苡仁防已白茯苓金銀花木瓜白

鮮皮皂角刺各五錢白芥子四錢當歸身七錢右為末蜜丸梧子大酒飲任下五七十九丸或浸酒服

息生冷雞猪魚煎炒等物

西聖復煎丸

治楊梅瘡後腫塊經年破而難愈百方不效用此如神乳香沒藥孩兒茶丁香

各一兩白花蛇阿魏血竭各四錢俱為末白麩炒一斤蜂蜜六兩煉香油四兩煎熟大棗二十枚去皮核右和勻擣干杵丸如彈子大每一丸土茯苓

二兩水二碗煎至一碗入藥丸再煎至半去渣瀉

細服

消腫遺糧湯

治楊梅瘡後腫塊土茯苓十五兩木通薏苡仁防風防已赤茯苓金銀花木瓜

白鮮皮皂角刺各五錢白芥子炒研四錢當歸身七錢右剉分作二十貼每一貼水煎服朝夕兩服

研

香鯨湯

治楊梅瘡毒筋骨疼痛茵根麻黃烏藥細茶槐花炒川椒各五錢魚鯨三錢以芝麻同炒

成珠乳香一錢右剉分作二貼每一貼薑葱各五水煎服二三貼即愈

通聖五寶丹

治楊梅天疱綿花等瘡潰爛見骨或筋

癰或皮破肉爛口臭難當一切頑瘡惡毒並皆治之鍾乳粉三分丹砂二分琥珀片腦各五釐真珠二釐半右細末每服五釐另入飛白霜二分半炒過合作一貼每日取土茯苓一斤水煎取汁十碗

以湯一碗入藥一貼攪勻晨服其茯苓湯須一日服盡不可別用湯水服一料即愈神驗乃治楊梅天下古今第一仙方也
翻。飛白霜疑是輕粉

仙遺糧湯

治楊梅風毒或誤服輕粉以致癰瘰筋骨疼痛毀肌傷骨者服此除根永無後患土

茯苓七錢 醋防風木瓜通薏苡仁白鮮皮金銀花各五分皂角刺四分右剉作一貼水煎日三

服

換骨膏

治天疱瘡筋骨疼痛土茯苓四兩皂角刺一兩半天花粉當歸荆芥麻黃梔子連翹各一

兩乳香沒藥各一錢半右剉分作十貼每取一貼水三碗煎至一碗分二次服之

回生保命丹

治楊梅天疱瘡及輕粉毒筋骨腫痛不拘新久皆效槐花一兩輕粉四錢二

分朱砂四錢川芎白芷雄黃各三錢當歸炒二錢丁香血竭孩兒茶各一錢乳香沒藥各五分牛黃四分右爲末聚肉入米粉打糊和丸黍米大用土茯苓一兩牙皂半個同煎湯吞下日三服

茯苓湯

治遠近楊梅天疱瘡毒甚至腐爛肌肉膿汁流出臭不可聞痛不可忍薏苡仁皂角刺木

瓜白芷當歸尾黃柏生地黃牛膝白芍藥防風各一兩皂角川椒紅花各五錢甘草節羌活各七錢

金銀花二兩土茯苓四兩右剉分作十五貼每一貼水煎服日二次

象牙丸

治楊梅瘡成漏象牙三錢鱉甲煇皮並燒各一箇右爲末聚肉和丸櫻桃大每一丸空心

以童尿化下茶清亦可七日後取三味末猪膽汁調付瘡上

活魂丹

治楊梅天疱瘡潰爛喉穿鼻崩膿血淋漓血竭乳香沒藥銅綠白礬枯黃丹穿山甲煨焦

各一錢輕粉蟾酥各五分麝香一字右細末蝸牛
研如泥和丸菘豆大每一丸重者二丸細嚼葱白
裹藥熱酒送下空心壓

水硃丸

治年久楊梅頑瘡不愈者水花硃粉一錢
枯白礬朱砂各一錢半右為末用全蝎酒煎
膏和勻分作六丸分三日服以羊
肉鮮魚等物送下九日全愈

六六丸

治天庖楊梅瘡輕粉一錢三分黃丹八分朱
砂雄黃各五分乳香麝香各三分右為末糯
米糊和勻分作六丸每
日茶清下一丸治瘡

天庖丸

治同上輕粉一錢半朱砂雄黃陳石灰各半
錢右為末陳米飯和丸菘豆大每三丸茶清
吞下治瘡

三黃敗毒散

通治天庖楊梅等瘡防風荆芥連翹白
芷當歸赤芍藥黃芩黃連梔子地骨皮
五加皮白鮮皮木瓜苦參蟬退金銀花薏苡仁白
僵蚕皂角刺黃柏白蒺藜川芎木通射干
甘草各一兩土茯苓一斤半右對分作
二十五貼每取一貼水煎服日二服

取輕粉法

取出腹內輕粉之毒可免後患用開口川
椒每空心以土茯苓煎湯吞下三十粒即
利輕粉於椒內從大便出洗起
川椒服椒內無輕粉乃止

仙遺糧

善治久病天庖楊梅癰漏及曾誤服輕粉肢
體廢壞筋骨疼痛者能收其毒而祛其風補
其虛。右一味為末蜜丸梧子大川椒煎湯吞下
五十九鼻崩眉落筋緩骨拳者皆效但初起肺熱
便秘者
勿服

一方

治楊梅天疱諸瘡香油二斤入水一盞煎至白

次服盡全愈。又方鴨一隻餓二日只與白水飲

之用輕粉一兩粳米飯四兩拌勻喂鴨待吃盡以

洗藥方

治楊梅瘡爛防風蒼耳子地骨皮荆芥苦參

通身出汗出血為效。又方苦參蛇床子白礬

荆芥濃煎湯浸洗。又桃柳桑槐楮濃煎湯浸

搽藥方

治楊梅天疱遍身瘡爛杏仁十四枚鍼挑火

膽汁或香油調搽。又野菊花棗木根煎湯洗

散麝香輕粉散

千金散

治楊梅瘡爛乳香沒藥血竭雄黃杏仁各二

麝香二分右為末先以猪

麝香輕粉散

治天疱瘡爛及諸惡瘡白礬乳香各一

許參付

熏鼻方

治楊梅天疱瘡熏鼻甚奇黑鉛水銀各一錢

分右為末和勻卷作紙捲七條用香油點燈放床

上令病人放兩脚包住上用單被通身蓋之口噙



錫熔化入二味和勻研末捲作紙燃九條每早午
晚各一條用紙作罩勿令泄氣熏鼻孔男左女右

口噙涼水溫則易之一日
熏三次三日九次全愈

吹藥方

治楊梅天疱瘡黑鉛八分溶化入水銀一錢
同結成餅銀珠輕粉各錢半炒白礬雄黃各
一錢為末棗肉搗勻分作六丸每取一丸放火籠
內令病人以巾包頭口吹眼看其藥丸待烟盡即
止當口早午晚各吹一九次日早午吹二九第三
日只早吹一九吹後三五日或口流涎以黃連菜
豆煎湯解之又服化毒散坊見三日後
以加減通聖散九坊見調理斷根

照藥方

服茯苓湯後次用照藥水銀黃丹炒白錫各
一錢血竭末五錢京香三分無麝香者右為
末用熟艾鋪紙入藥在中捲作條放盞內入香油
一碗將藥條作燈心點火安木桶內四圍用單被

圍住勿泄氣眼看燈口噙涼
水熱則換水盡藥條為度

滅癩法

治天疱楊梅瘡愈後癩痕紅黑用大黃白
礬等分同研擦患處其痕即去如常

禁忌法

天疱楊梅瘡忌食牛馬狗肉雞猪魚生冷及
酒麪茶油膩辛辣等物痛斷酒色鹽宜少食

鵝掌癬

凡天疱楊梅瘡服輕粉愈後手掌上發癬退
皮一層生不生絕名曰鵝掌癬亦曰鵝掌風

宜服蒼耳散擦玉脂膏。一方猪前蹄爪破開
入菊花蒼耳末以線縛定煮爛食之次日用白鮮
皮皂角雄黃各五分鈇炒水銀三分為末臨臥以
鵝脂薑汁調擦次早以磁鋒磨刮去麤皮眼蒼耳
散擦玉脂膏更多勞宮或內關穴斷根。又方
黃丹輕粉等分為末猪油調擦一川烏草烏何首



烏天花粉赤芍藥防風荆芥蒼朮地丁
各一兩艾葉四兩煎水熏洗立效

蒼耳散

治鵝掌癬猪牙皂角土茯苓甘草各二錢蒼
耳子金銀花皂角刺防風荆芥連翹各一錢

天麻前胡蛇床子各五分右剉作
一貼薑一片川椒一撮同煎服

玉脂膏

治同上牛乳栢油無則薑香油黃蠟各一兩
溶化乃入胡粉二錢輕粉一錢半麝香五分

右為末入內攪勻抹癬上火
上烘擦再烘再擦如神

瘰癧

瘰癧之證內經謂之結核是也生頸前項側結核
如大豆如銀杏曰瘰癧生胃脇腋腋下堅硬如石形
如馬刀蛤曰馬刀△結核連續者為瘰癧形長
如蛤者為馬刀△繞項起核名曰蟠蛇瘰癧多生
肩項或赤或白或沉或浮初生如豆久似核年月
浸久其大如梅或如雞卵排行成列或生二三或

生六七是也用性努力思慮過久則疼痛赤腫早
治為上△流注癰者婦人多有之其性急噪其
氣怫鬱其心熱著初生在項破後流注四肢遍體
結毒如梅李狀不療自破孔竅相穿寒熱疼痛或
流膿汁是也又名千歲瘡化氣調經湯主之△
瘰癧始起於少陽不守禁忌延及陽明大抵食味
之厚鬱氣之積皆此二端招引變換以其屬膽經
主決斷有相火而且氣多血少婦人見此若月經
行寒熱不作則可生稍久轉為潮熱危矣自非斷
慾絕虛食淡雖神聖不可治也△膽與肝合且
主筋病則筋累累如貫珠寒熱痲痛乃肝氣動而
為病也當清肝火為主宜清肝益榮湯△胡
清肝湯△觀梔子清肝湯△肝燥火動而筋攣
補中勝毒餅為主多怒火宜清肝解鬱湯△有
寒熱單夏枯草散通用貓頭丸海藻散堅丸△
治法大槩以地膽斑貓為主滲泄小便以瀉心火

立應散是也然性甚峻服後量體調治實者宜熱丹虛者托裏益氣湯方見瘰癧。瘰癧之毒莫不有根地膽斑貓製度如法能使其根從小便中出或如粉片或如塊血或如爛肉皆得其驗耳但毒根之行小便必澁當以木通滑石輩導之然是毒必從小便出者何哉蓋諸痛痒瘡瘍皆屬於心故也。通治宜化氣調經湯。瘰癧丸。海藻散。堅丸。宣熱丹。三聖丸。小犀角丸。散腫潰堅湯。內消丸。琥珀散。蠟礬元天花散。夏枯草散。瀉肝膽火宜梔子清肝湯。瀉毒宜立應散。薄荷丹。白蛇散。四聖散。△補虛補中勝毒餅。益氣養榮湯。○馬刀瘡宜連翹散。堅湯。消腫湯。柴胡通經湯。○馬刀

化氣調經湯 通治流注瘰癧橋皮二兩香附子酒浸製羌活白芷各一兩牡蠣粉天花粉皂角刺甘草各五錢右爲末
每二錢清酒調下日三服

梔子清肝湯

治肝膽火盛耳後頸項骨等處結核腫痛寒熱柴胡二錢梔子酒炒牡丹皮

各一錢三分赤茯苓川芎赤芍藥當歸牛蒡子各一錢青皮甘草炙各五分右判作一貼水煎服

補中勝毒餅

治瘰癧馬刀瘡黃芪一錢半連翹一錢防風升麻柴胡甘草各五分當歸生地

黃熟地黃白芍藥陳皮人參各三分右爲末湯浸蒸餅調和捏作二餅子晒乾每一餅搗爲末白湯

調下

夏枯草散

大治瘰癧瘰癧散結氣有補養厥陰血脉之功夏枯草末六錢甘草末一錢右和勻每二

錢茶清調下。又取一兩水煎服虛者多服益善兼服十全大補湯。勸限加香附遠志貝母治瘰癧

馬刀退寒熱之聖藥也



貓頭丸

治癩癧馬刀已破未破皆效貓頭骨一個炙
蝙蝠一箇以朱砂三錢填入腹內瓦上炙焦

南星白礬各一兩右為末黃蠟熔化
和丸菜豆大臨臥米飲下三十九丸

海藻散堅丸

治癩癧馬刀堅硬形瘦潮熱兼治癭氣
神麩四錢海藻昆布草龍膽蛤粉通草

貝母白礬枯真松蘿各三錢半夏二錢右為末蜜
丸菜豆大葱白湯下三十九丸或取末二錢溫酒調

服

宣熱丹

解癩癧風熱之毒自小便出薄荷皂角連翹
何首烏蔓荊子三稜荊芥各一兩右為末熱

醋浸豆豉二兩半搗膏和丸梧
子大熱水下三十九丸一服

三聖丸

通治癩癧丁香五十粒斑貓十個去毒炒麝
香一錢右為末鹽豉五十粒湯浸研如泥和

丸菜豆大每服五七丸空心溫酒送下日進三四
五七日常覺小便淋瀝或下如青筋膜之狀是病

之板也

小犀角丸

如諸癩癧效如神常服去根黑丑半生半
炒取頭末犀角青皮陳皮各一兩連翹五

錢右為末皂角二條去皮弦子湯浸絞取汁一碗
新薄荷二斤取汁同熬膏和丸梧子大連翹薄荷

湯吞下三十
丸食後服

散腫潰堅湯

治癩癧及馬刀瘡堅而不潰或潰出膿
水黃芩一錢酒洗半生半炒草龍膽酒

洗六分瓜萸根酒洗黃柏酒炒知母酒炒桔梗昆
布海藻各七分柴胡六分炙甘草三稜酒洗莪朮
酒炒連翹各五分葛根白芍藥當歸梢各四分黃
連酒洗升麻各三分右剉作一貼水浸半日前煎服



食後去枕低頭而卧含一口作十次嚥下徐徐服之另搗一料為細末蜜丸菜豆大每取百丸以煎藥湯送下

內消丸

治癰癤結核熱毒鬱滯服之內消黑丑八兩取頭末青皮陳皮各二兩右為末以薄荷皂角各三兩煮爛取汁熬膏和丸菜豆大以荆芥茶清吞下三十九丸食後服

琥珀散

治癰癤結核內消神效白丑頭末滑石白礬各一兩木通連翹各七錢枳殼赤芍藥柴胡各五分斑猫三錢去翅足炒甘草三錢琥珀二錢右剉分作六貼水煎服

天花散

治癰癤潰爛疼痛金銀花二錢赤芍藥一錢七分天花粉一錢五分穿山甲一錢二分白芷當歸各一錢貝母七分沒藥五分乳香二分右剉作一貼酒水煎服

立應散


治癰癤馬刀瘡連翹赤芍藥川芎當歸滑石甘草各五錢黃芩斑猫去毒炒各三錢白丑頭末生土蜂房蜜水洗飯上蒸晒乾各二錢半川烏尖七箇右為末每一錢濃煎木通湯調下臨卧服毒從小便出如粉片血塊是也未效再服斑猫性毒濟以烏尖或衝上麻悶嚼葱白茶清下以解之如尿澀益元散或五苓散燈心煎湯調下宜毒後繼服薄荷丹解其風熱

薄荷丹

解癰癤毒服藥從小便出後常服此薄荷皂角連翹何首烏蔓荆子三稜荆芥各一兩右為末鼓二兩半以熱醋淹鼓令軟研為糊和丸梧子大熟水下三十九丸

白蛇散

治癰癤馬刀九瘦寒熱作痛白蛇肉二兩青皮黑丑頭末半生半炒各五錢犀角二錢半右為末每一錢入輕粉五分研勻五更以糯米飲調下已時利下惡物乃病根也十日後再服



用四聖散補之永斷根

四聖散 治癩瘰用白蛇散取轉後用此補之海藻石

飲調下日三服下

蠟礬元 治癩瘰馬刀惡瘡衛護內膜驅

益氣養榮湯 治懷抱抑鬱癩瘰流注日日發熱或潰

當歸酒洗川芎白芍藥酒炒生地黃陳皮香附子

貝母各七分柴胡桔梗地骨皮甘草炙各五分右

連翹散堅湯 治馬刀癩瘰流注遍體作核作瘡柴胡

蓬朮酒炒三稜酒炒連翹白芍藥酒炒各七分炙

甘草五分黃連酒炒蒼朮各四分右剉作一貼水

送下丸藥另取一劑為細末蜜丸菜豆大每

消腫湯 治馬刀瘡連翹二錢生黃芩柴胡各一錢二

鼠粘子黃連各五分紅花二

柴胡通經湯 治少陽經分項側有核堅而不潰名曰

一錢紅花一分右剉作一貼水煎服

一方 治癩瘰烏雞卵一枚穿頂納斑貓一箇紙封其

竅蒸熟去貓日一服煎五積散方見送下四五



枚即效

外治法

凡瘰癧馬刀疔毒日久內必成膿若腫高消軟其人面色萎黃皮膚壯熱上蒸膿已成也可以鍼刺核中用追毒蝕肉鎡子維之用膏貼之○治法以火鍼刺入核中納蟾酥膏于中外用綠雲膏貼之三日後取去核中稠膿膿盡取去核外薄膜先破初起之核一枚以絕其源服藥則後出者皆愈或不能收如銀杏者盡皆開了用藥取之其自潰者猶如十果之腐熟肉雖潰而核猶存故膿水淋漓久難得愈治法用鐵烙燒赤烙去其破核猶存者併肉潰處次用金寶膏追去蠹惡之根遂能長肉而愈

蟾酥膏

蟾酥如大豆許白丁香十五枚巴豆肉五粒寒水石寒食麩各少許右各另研合和再研

蜜丸菜豆大每三九或二九三九納入鍼竅中如膿未盡再納數丸以膿盡為度

綠雲膏

黃連大黃黃芩玄參黃柏木鱉子肉各一錢右剉香油一兩同煎焦色去滓入松脂五兩再煎成膏濾入水中扯拔如金色再熬放溫人猪膽三箇汁銅綠醋浸一宿去滓三錢攪勻如常攤貼如瘡口不乾加乳香沒藥輕粉尤妙

金寶膏

去腐肉惡肉不傷良肉桑柴灰五碗以沸湯十碗淋濾取汁穿山甲煨胖二兩信砒一錢杏仁七枚三味同研細生地黃二兩朱砂一錢輕粉麝香各半錢右將灰汁下鍋煎濃下甲末等及地黃汁候焦乾下麝香次下輕粉次下朱砂候將成膏下炒石灰末一兩以成塊子收入罐內勿見風每取付核上再付即去舊藥併醫即效



禁忌法 人有此患不惟懲忿室慾其於飲食百味一切戒之龍○切忌毒藥點蝕及妄用鍼刀割破必

死戒之鎖

糝貼藥 凡瘰癧馬刀惡瘡宜用蠶蜃散貓蝠散代炙散龍泉散蝸牛散燒灰散生穉散選用○初起未

破十香膏琥珀膏維坊見常貼之可自消齧○治瘰癧神效方白膠香海蝶蛸降真香等分爲末糝

患處外以水紙掩之一夕而退○又方未破者蜜蜂二十一箇蛇蛻七分半蜈蚣二條端午前收者

右用香油四兩同熬成人光粉二兩以桑枝七條急攪候冷出火氣七日收貯每用攤紙上貼患處

○此二方不須服藥只貼上五七日可便消爛

蠶蜃散 治瘰癧蠶蜃三箇白木砒霜各一錢右並火煨爲末糝爛肉上三日其核卽下爛

貓蝠散 治瘰癧多年不愈神效貓頭骨一箇蝙蝠一箇右二味俱撒黑豆上同燒存性研爲末乾

糝

代炙散 治瘰癧潰爛臭不可聞鉛粉雄黃各一錢輕粉五分麝香二分右爲末用槐皮一片將鍼

密刺孔置瘡上上糝藥一撮以炭火炙熱其氣自然透入瘡中痛熱爲止二三次全愈齧

龍泉散 治瘰癧鉛粉龍泉粉炒卽磨刀礪上粉也昆布蓬朮三稜各五錢三味酒浸炒乾右極細

末熱水調塗瘡上卽效○瘰癧先出一箇用四楞鐵環定住不令出移破作口了以油紙撚維之勿

令合了以絕其瘡源其效至速如瘡不破或病人不肯破龍泉散塗之三日一易齧

蝸牛散 治瘰癧潰與未潰皆可蝸牛不拘多少以竹簽貫穿瓦上晒乾燒存性爲末入輕粉少許



取猪骨髓調勻攤紙花貼瘡上一

燒灰散

治同上大田螺并殼肉燒存性為

生穰散

治同上生穰一箇取四足臍尾并兩耳右

洗傳方

治瘰癧白芷荆芥煎湯温洗拭乾貼膏藥膿

為末唾
調傳燬

難治可治證

帝曰寒熱瘰癧生於頸腋者何氣使然
岐伯曰此皆鼠瘻寒熱之毒氣留於脉
而不去者也帝曰决死生奈何岐伯曰反其目視
之其中有赤脉上下貫瞳子見一脉一歲死見一
脉半一歲半死見二脉二歲死見二脉半二歲半
死見三脉三歲而死見赤脉不下貫瞳子者可治

也癰○婦人患瘰癧經調及經閉無潮熱者可治

經閉有潮熱或咳者死玉燭散勸治瘰癧通經

日服一貼七八日自消○男子患瘰癧有潮熱者

咳乃瘰癧傷證之標也故勞瘵類有曰腹中有塊

灸法

治瘰癧以手仰置肩上微舉肘取之肘骨尖上

於掌後手腕盡處橫紋量起向臂中心直上三寸

半是穴灸三壯即效○秘法肩尖肘尖二穴即

結核

獨形而小核者為結核○結核者火氣熱甚則
鬱結堅硬如果中核也不須潰破但熱氣散則自
消○結核在一身如腫毒者在皮裏膜外多是
濕痰流注作核不散問其平日好食何物吐下後



用藥散核研○痰癥推動滑軟
二陳湯劫加酒炒大黃桔梗柴胡連翹煎服○

結核在臂二陳湯加連翹防風川芎酒芍蒼朮皂

角刺白僵蚕煎水入麝香少許服行太陰厥陰之

積痰則自消研○遍身有核多是痰注宜加味小

胃丹竹瀝達痰丸痰門見通用海帶丸含化丹小

○結核宜用消風化痰湯開氣消

痰湯內托白斂散消解散消核丸

海帶丸 治痰核癭氣久不消海帶青皮貝母陳皮各

等分右為末蜜丸彈子大食後噙化一九關

含化丹 治耳項結核酒蒸大黃白僵蚕青黛牛膽南

星各等分右為末蜜丸彈子大食後噙化一

消風化痰湯 治結核因風痰鬱結白附子木通各一

錢南星半夏赤芍藥連翹天麻白僵蚕

蒼耳子金銀花天門冬桔梗各七分白芷防風

活皂角各五分全蝎陳皮各四分甘草二分右判

作一貼薑五片水煎服翻

開氣消痰湯 治胃中胃脘至咽門窄狹如線疼痛及

手足俱有核如胡桃者桔梗便香附白

僵蚕各一錢陳皮片芩枳殼各七分檳榔前胡半

夏枳實羌活荆芥射干威靈仙各五分甘草四分

木香三分右判作一貼

入薑三片水煎服

內托白斂散 治腋下痰核因酒怒氣發腫潰膿久

不差赤芍藥當歸連翹各一錢白芷白

斂片芩酒炒瓜蒌仁各八分川芎天花粉乳香各

七分防風桔梗柴胡各五分白蒺藜生甘草各四

分右判作一

貼水煎服翻

東醫寶鑑

卷八下 雜病篇

三



消解散 治咽喉結核腫痛頸項不得舒轉兩腋下或

梗柴胡前胡黃連連翹赤芍藥防風獨活白附子

蘇子蓬木蔓荊子木通甘草各五分右剉作一貼

消核丸 治頸項耳後結核三五歲成簇不紅不腫不

翹各一兩片芩酒炒梔子炒各八錢半夏麩玄參

酒拌牡蠣煨童便汁另研天花粉瓜蒌仁桔梗各

又方 治項後少陽經中瘡瘡結核或赤硬腫痛生山

神藥一塊去皮草麻子三個去皮右研勻攤貼如

痰核瘡瘡商陸根生南星合搗爛塗之立消

瘦瘤 人身氣血凝滯結為瘦瘤瘦則憂患所生多着於

肩項瘡則隨氣凝結此等皆年數深遠浸大浸長

堅硬不可移者名曰石瘦肉色不變名曰肉瘦筋

脈露結名曰筋瘦赤脈交結名曰血瘦隨憂愁消

長名曰氣瘦五瘦皆不可決破決破則膿血崩潰

多致天柱。瘡亦氣血凝滯結聚而成初作梅

李皮嫩而光漸如盃卵瘡名有六骨瘡肉瘡膿瘡

血瘡石瘡脂瘡亦不可決潰肉瘡尤不可破破則

殺人惟脂瘡決去其脂則愈。瘡多着頸項及肩



指。五瘦六瘡或軟或硬無痛無痒宜破結散人
參化瘦丹海帶丸坊見舐掌散神效開結散治脂
瘡方枯瘡方化瘡膏南星膏端。服治瘦瘡藥先
須斷厚味。凡瘦瘡疔贅等至年衰皆自內潰
理於年壯可無後患也。蠶。瘦瘡初起通用十六
味流氣飲。虧。單蜘蛛方久服蠶礬元外付南星
膏

破結散

治五瘦及瘡即上海藻散堅丸也。齊。有人
生瘦大如茄子潮熱形瘦百治不效得此方

去松蘿代真桑寄生一倍服

五日其瘦自消散而愈

人參化瘦丹

治瘦瘡海帶海藻蛤粉昆布上四味皆
焙澤瀉炒連翹各一兩猪鬃羊鬃猪鬃
之膏乃囊中各十枚切片焙乾右為末蜜丸芡實大
食後噙化一九日三服。瘦瘡多用昆布海藻海

帶能軟堅
之藥治之

舐掌散

治瘦海藻黃連各一兩右為末取少許置掌
中時時舐之津液燕下如消三分之二止藥

分爲末蜜丸彈子大噙化下日三服

神效開結散

治瘦瘡皆效沉香二錢木香三錢陳皮
四錢真珠四十九粒火煨猪鬃肉子生
項下作龍系一散如四十九箇瓦上焙乾右為末
每二錢臥時冷酒調和徐徐嚥下輕者三五服效
重者一料

全愈

治脂瘤方

一種脂瘤粉紅色全是痰結用鍼決去脂
粉則愈或有如茄垂下根甚小者用藥點
其蒂埃茄落即用生肌
膏貼之防其出血

枯瘤方

砒霜 硃砂 乳香 沒藥 各一錢 斑蝥 皮三
和丸 捏作 碁子 樣 暴乾 先炙 三壯 於 瘤頂 以藥
餅 蓋 上 以 黃柏 末 水 調 貼 之 數 日 自 然 枯 落 腳

化瘤膏

治肉中腫起生瘤漸大白斂一兩 大黃 川芎
赤芍 藥黃 芩 黃連 當歸 白礬 各五錢 吳茱萸
二錢 半右為末 雞子
黃調勻攤帛貼之 類

南星膏

治瘦瘤生 天南星 大者一箇 細研 滴醋 三五
點為膏 先將 鍼刺 瘤上 却以 藥攤紙 上貼之
類 貼 取 效 如 無 生 者 乾 者 為 末 醋 調 用 之 類

又方

治氣瘦 鍼砂 浸水 缸中 平日 飲食 皆用 此水 十
日 一換 鍼砂 服 半 年 自 消 腫 凡 海 中 菜 皆 療
瘦 瘤 結 氣 海 藻 一 斤 洗 去 鹹 酒 三 升 潰 敷 日 稍 稍
飲之 海藻 昆布 等 分 為 末 蜜 丸 常 含 化 嚙 汁 類

夏枯草 散 瘦 結 氣 水 煎 頻 服 卽 愈 類 松蘿 治
瘦 瘤 水 煎 服 之 類 治 瘦 瘤 大 蜘蛛 一 箇 搗 酒 頓

服 卽 羊 靨 鹿 靨 酒 漬
炙 含 嚙 汁 七 日 差 類

灸法

治瘦 灸 天突 三七壯 又灸 肩髃 男左 十八
壯 右 十七壯 女 右 十八壯 左 十七壯 妙 類

痺癭

漏者 諸瘦 之 潰 漏 也 狼瘦 鼠瘦 螻蛄 瘦 蜂 瘦 虻 瘦
瘰癧 瘰癧 浮疽 瘦癭 癭癭 轉筋 瘦是 為 九瘦 其 證
穿 孔 一 深 膿 汁 不 盡 風 冷 併 入 涓 涓 而 成 漏 矣 類

○漏 喜 發 於 項 腋 及 陰 僻 肛 門 之 間 療 治 失 節 卽
生 寒 熱 凡 癰 疽 諸 發 苟 有 宿 膿 朽 骨 停 蓄 其 間 皆
為 之 漏 類 內 經 曰 陷 脈 為 瘦 留 連 肉 腠 者 是 也

可 用 附 子 灸 法 蒜 餅 灸 法 鍼 灸 之 瘡 口 紐 翠
霞 散 或 翠 霞 錠 子 紐 之 外 貼 膏 藥 類 治 法 温 散

風 冷 為 急 宜 温 解 散 內 寒 散 收 水 次 之 宜 牽 牛
酒 生 肌 又 次 之 宜 龍 骨 牡 蠣 人 齒 犬 牙 加 血 竭



乳麝髮灰內外相維生肌必矣或平肌散癩觀人
牙散蜂房散選用。通治宜加味蠟礬丸內生肌
丸乳麝雲母膏溫經丸。外治宜截癩散雄黃膏
黑靈散。熏方洗方取久漏中朽骨方治心漏方
取漏虫法

禁忌法

溫解散

治漏瘡散風冷蒼朮厚朴陳皮藿香半夏麴
川芎白芷細辛各一錢官桂白薑甘草炙各

七分右剉作一貼人

薑三棗二水煎服

內塞散

治疳瘰瘡久不差人參黃芪當歸白茯苓防
風白芷桔梗川芎遠志厚朴官桂赤小豆甘

草炙各五錢附子炮一個右

為末每取二錢溫酒調下

牽牛酒

引漏瘡中惡水自大腸出黑牽牛頭末二錢
入猪腰子內以線札縛濕紙包慢火煨熟空

心細嚼溫酒送下。一名猪腎酒。大水屬腎。此
腎虛水溢則滲漉於漏瘡行腎之水無加黑牽牛
取細末入猪腎服之則借腎入腎兩
得其便惡水既泄則不復淋漓矣。

人牙散

治漏瘡惡瘡能生肌人牙散髮灰雄雞內
金各等分右為末入麝香輕粉各少許和勻

濕則乾糝乾則油調付

之搗。一名齒髮散。

蜂房散

治久年漏瘡露蜂房炙黃七錢半穿山甲焦
龍骨各二錢半麝香少許右為末臘猪脂調

付之

加味蠟礬丸

治久新諸漏象牙五錢露蜂房白僵蚕
蛇蛻燒血竭木香各三錢乳香二錢白

礬二兩右為末黃蠟四兩熔化和勻眾

手作九梧子大溫酒下二三十丸



内生肌丸

治漏瘡枯白麝鹿角屑芝麻

一兩為末
後去鹿

角加象牙一兩黃蠟
和丸常服斷根

乳麝雲母膏

治漏瘡穿山甲一百片伴粉同炒候焦
起泡去粉取甲為末四兩入乳香末一

錢麝香末半錢夾和雲母膏十五
貼和丸梧子大溫酒下三十九

溫經丸

治陷脉久瘦附子二兩醋浸炮七次去皮臍
厚朴官桂白木乾薑木香甘草炙各一兩右

為末蜜丸梧子大米
飲下三五十九

截疔散

治年深疔瘦瘡白斂白芨黃丹蜜陀僧各二
錢黃連一錢龍腦麝香輕粉各二分右為末

乾糝或
紙之罈

雄黃膏

治久年冷瘦油髮灰黃蠟各五錢雄黃末
黃末各二錢半香油二兩右和勻熔化候成

膏貼
之

黑靈散

通治漏瘦露蜂房五錢牡蠣粉黃丹硫黃研
各二錢半右同炒烟盡為末入油髮灰二錢

半麝香少許右
和勻糝付

翠霞散

治漏瘡惡瘡去毒生肌滑石五錢銅綠二錢
半輕粉一錢龍腦麝香粉霜各二分半右為

末蘸紙瘡口上
以膏貼之

翠霞錠子

治久冷漏瘡內有死肉銅綠寒水石煨滑
石各三錢白礬輕粉砒礬雲母石各一錢

二分半右極細末合糊為錠子如麻
黃麤細量瘡深淺紙之上貼膏藥

熏漏瘡方

艾葉五倍子白膠香苦練根右等分判如燒香法置長桶內坐其

洗漏瘡方

凡漏瘡孔中多有穢惡常須避風洗白芷露蜂房或大腹皮苦參煎湯熏洗

取東向石榴根皮為末乾糝以殺

取久漏中朽骨方

久疽及痔漏中有朽骨宜取去之鳥骨雞脛骨砒礪實之鹽泥固濟

火煨通紅取出去泥研為末飯丸粟米大以紙撚送入竅內外用膏藥封之其骨自出

治心漏方

曾前有孔常出血水謂之心漏此病醫書少載人多不知鹿茸酥炙附子炮鹽花各

等分右為末棗肉和九梧子大空心温酒下三十九研

取漏蟲法

取活蟻魚數條令盤屈以竹簽串定香油塗上下覆瘡上以布巾繫定良久覺痒痛

不可忍取蟻入水中有虫如線出焉水盡再覆虫盡後以艾湯入白礬洗淨黃連檳榔末糝付治瘰瘡亦妙

禁忌法

凡漏切忌亡情房勞尤戒怒氣不然則核則大漏則水多

單方

治漏瘡疔癰瘡瘰癧子十二個一實黃丹一實白礬兩藥相合定麻皮纏了燒存性研細入麝

香少許洗淨糝之名曰烏金散鱗。取蟻蟻虫剪去兩頭安瘡口上以艾炷灸之七壯一易不過七枚無不效。鯉鼠燒取膏塗之最妙。鯉魚腸火灸封魚取膏塗之并食其肉甚效。鯉魚腸火灸封瘡口半日許覺痒開看虫出差。煉松脂填瘡口令滿日三易即效。蝮蛇膽取汁塗之。藍汁食之七日差。

灸法

久漏瘡足內踝上二寸灸三壯在上則灸肩井鳩尾竅。冷漏多在腿足之間先雖積熱所注

久則為寒宜用附子灸法硫黃灸法

疥癬

疥癬有五一日乾疥皮枯屑起宜吳茱萸散。二日濕疥疥癩腫作痛流汁淋漓宜一上散。三日砂

疥細如砂子或痛或痒宜剪草散。四日虫疥痒不知痛易於傳染宜硫黃餅。五日膿疥含漿稠

膿色厚焮痛宜三黃散。癬瘡亦有五一日濕癬狀如虫行搔之汁出。二日頑癬全然不知痛痒

。三日風癬又名乾癬搔生白屑。四日馬癬微痒白點相連。五日牛癬如牛領皮厚且堅。疥

癬皆血分熱燥以致風毒剋於皮膚浮淺者為疥深沉者為癬疥多挾熱癬多挾濕疥狀如披介甲

癬狀如走苔癬大槩相同。治疥宜升麻和氣飲一掃散神異膏如聖散油調立效散。治癬宜

麻豆膏蠟貓膏胡粉散連粉散。通治疥癬宜一上散秘傳一擦光當歸飲子何首烏散蕪荂散浮

萍散。凡疥痛甚加寒水石痒加黑狗脊微痒加蛇床子有虫加雄黃喜溫熱加硫黃

吳茱萸散

治乾疥及春月發者以此開鬱蛇床子三錢寒水石二錢半白礬吳茱萸各二錢黃

柏大黃硫黃輕粉各一錢樟腦半錢檳榔一箇右為末香油調付

一上散

治疥癬痛痒蛇床子炒黑狗脊白膠香寒水石各一兩枯白礬黃連各五錢雄黃三

錢半硫黃吳茱萸各三錢斑蝥十四箇去翅足右為末臘猪脂或香油調先以蒼耳煎湯洗去痂後

掌中擦藥令熱鼻中嗅二三

剪草散

治砂疥蛇床子三錢寒水石蕪荂各二錢剪刀草枯白礬吳茱萸黃柏各一錢蒼朮厚朴



雄黃各五分輕粉一錢
右爲末香油調付服

硫黃餅

治虫疥及喜湯火炙熨者礬製硫黃一兩爲末用水調成餅貼磁碗底覆轉用熟艾一兩

川椒三錢爲末火燃熏乾硫黃臨用先以藥湯水洗拭後用麻油調硫黃末擦之服

三黃散

治膿疱疥瘡治熱爲主黃芩黃連大黃各三錢蛇床子寒水石各二錢白礬一錢黃丹五

分輕粉無名異白芷木香各三分右爲末香油調付服

升麻和氣湯

治疥瘡痛痒乾葛二錢陳皮甘草各一分半大黃五分半夏當歸茯苓白芷各三分乾薑

枳殼各二分右剉作一貼入薑五片燈心十五莖水煎服服

一掃散

治一切瘡疥藜蘆皮三錢蛙粉銀粉各一錢半雄黃七分輕粉一錢右爲末另用大鮑魚

一箇入香油煎候熟去魚攤冷調藥擦瘡服

神異膏

治同上全蝎七箇皂角二錢巴豆去皮七箇蛇床子末三錢雄黃另研三錢輕粉一字清

油一兩黃蠟半兩右先用全蝎皂角巴豆人油煎變色去三味入蠟熔化放冷入雄黃蛇床輕粉和

勻成膏先以藥水洗瘡拭乾後乃上藥擦之神效服

如聖散

治肺臟風變生瘡疥浸展胡粉一兩黃連七錢半蛇床子五錢水銀二錢半右爲末生麻

油調塗服

油調立效散

治濕疥浸淫久不差輕粉綠礬黃柏硫黃各等分右爲末生麻油調洗瘡後塗

擦 焗

麻豆膏

通治諸癬麻油二兩入巴豆肉草麻子肉各十四粒斑猫七粒熬煎至枯黑色去滓却入白礬五錢蓋蒼末三錢攪勻成膏塗擦之。遍身生癬獨莖羊蹄根另搗白礬末以米醋調成膏塗擦之如輕粉黃丹尤妙。

蝎猫膏

治牛皮癬全蝎斑猫各十枚巴豆肉二十枚香油一兩右同熬候色焦者先去之去盡三物了乃入黃蠟一錢候熔收貯朝擦暮愈不損皮肉。一方治遍身牛皮癬川烏草烏何首烏白芷蘇木各等分右麤剉入臘猪脂同熬至白芷焦色去滓候冷入鹽少許常挑一匙空心酒調下。

胡粉散

治癬神效胡粉硫黃雄黃各二錢半砒礪一錢二分半大草烏生一箇斑猫一箇蝎稍七枚麝香少許右為末先以羊蹄根煎醋擦動患處次用藥少許擦之。

連粉散

治風癬濕瘡黃連胡粉黃柏黃丹枯白礬各五錢輕粉龍骨爐甘石各五分右為末乾糝或油調塗。

秘傳一擦光

治疥癬及諸般惡瘡神效白礬枯六錢蛇床子苦參蕪荑各五錢雄黃硫黃川椒大風子肉各一錢半輕粉樟腦各一錢右為末生猪脂調付。

當歸飲子

治遍身疥癬腫痒流膿當歸赤芍藥川芎生地黃防風荆芥白蒺藜各一錢二分何首烏黃芪甘草各七分右剉作一貼入薑三片水煎服。

何首烏散

治遍身疥癬瘡痒荆芥穗威靈仙蔓荆子何首烏防風甘草各等分右



為末每取二錢
温酒調下

蕪荑散

治疥無問新久亦治癬白蕪荑一兩檳榔吳
茱萸各五錢硫黃二錢右為末猪脂或香油

調擦
之

浮萍散

治諸疥癬及癩瘡浮萍四兩當歸川芎赤芍
藥荆芥穗麻黃甘草各二錢右剉分作二貼

入葱白三莖豆豉六
十箇同煎服出汗

洗藥

治疥癬瘙痒生瘡細辛荆芥白芷川芎黃芩防
風地骨皮甘草各等分右釐末每取二兩水二

大碗煎十餘沸乘温淋湯患處名曰八仙散
何首烏陳艾等分濃煎浸洗治遍身疥癬

冬
瓜藤煎湯浸洗亦佳
温泉浴最妙

單方

硫黃生用治疥癬及惡瘡嗅其臭不止可愈疥
瘡。雄黃治疥癬殺虫為末付之。水銀

滓研臘猪脂擦疥殺虫立效。藜蘆治疥癬作
末生麻油調塗。羊蹄根治疥癬爛搗和醋付

之妙。治頑癬。樹皮加巴豆斑蝥人砒少許
為末水調付。芝麻生取油付疥癬及惡瘡甚

妙。牛皮癬久皮鞋底燒灰入輕粉少許油調
付。田螺煮熟取肉用酒醇炒熟食除一生瘡

疥。臘猪脂生礬杏仁加輕粉少許搗擦治疥
癬。鵝鴿治久患瘡疥食之甚良。治遍

身疥癬。硫黃蛇床子白礬各二錢水
銀滓三錢右為末薑汁調擦立效。

鍼灸法

治瘡疥頑癬取絕骨三里間使解谿委中或
鍼或灸。手疥取勞宮灸大陵。渾身

瘡疥取曲池合谷三里絕骨行間委中。治癬
八月八日日出時令患人正當東向戶長跪舉兩



手持戶兩邊取肩頭小垂際骨解宛宛中左右兩
火俱下灸七壯七日愈。一女子兩股間濕癬
下至膝痒痛流黃水百藥不效。戴人以鍼當痒時
刺百餘處血出盡煎鹽湯洗之四次方除蓋濕滯
於血不可
不鍼也。

癩頭瘡

頭上生瘡如癩防風通聖散。風門為末酒浸焙
三次食後白湯調服日三。鹽湯溫洗一上
散坊見付之。久不愈者神效。頭瘡宜服酒歸
飲外用雄黃水銀等分為末臘猪脂半生半熟調
付之濕爛者燕窠土黃柏為末乾糝。白禿頭
瘡宜神應膏。頭面瘡密陀僧硫黃各二錢輕
粉少許右為末猪脂調付。又方臘月馬脂油
塗擦極妙。又方松皮灰五錢黃白膠香各
二錢半枯白礬大黃黃柏各一錢二分右為末熱
油調付。小兒癩頭瘡松脂一兩懸龍尾黃丹

各三錢白芷五錢松樹枝水銀雄黃白礬各二錢
右為末另用香油入亂髮煎爛調勻付之。又
方爛木耳為末蜜調付。又炭燒紅淬長流水令
熱洗之。又胡荽子伏龍肝懸龍尾黃連白礬為
末油調付。連床散如聖黑膏亦佳。又
○又兔絲子或菝葜子煎湯洗之。韃

酒歸飲

治頭瘡酒當歸白朮各一錢半酒芍藥
川芎陳皮各一錢酒天麻蒼朮蒼耳各七分
半酒黃柏酒甘草各四分防風三分右判
作一貼水煎日三服服後穩睡片時。

神應膏

治白禿頭瘡羊糞燒存性為末
用鴈油調塗一二次即愈。

連床散

治小兒癩頭瘡及身上諸瘡黃連五錢蛇床
子五倍子各二錢半輕粉少許右為末荆芥
湯洗後油
調付。



如聖黑膏

治小兒白禿頭瘡豆豉半升草龍膽蕪荑各二錢半右燒存性爲末香油半斤熬至

四兩下藥調勻付之神效

人面瘡

多生膝上亦有臂上生者古書云冤業所生須清心誨過內服十六味流氣飲勸觀久者大苦

參丸腎氣丸虧觀外用貝母爲末付之着痂而愈。人身有瘡如人面而目口鼻皆具昔有一人左膊上生瘡以物食之皆能食灌以酒則面亦赤色醫者教以歷試諸藥皆無苦至貝母其瘡乃聚眉閉口其人喜曰可治即取貝母末和水灌入口中數日成痂而愈

大苦參丸

治人面瘡及賺瘡苦參二兩防風荆芥白芷川烏生赤芍藥何首烏川芎獨活梔子

皂角蔓荆子赤茯苓山藥白蒺藜黃芪羌活白附子各五錢草烏炮一錢半右爲末水煮麩糊和丸

梧子大每服五七十九空心酒下不飲酒以茶代

陰蝕瘡

夫陰瘡大槩有三等一曰濕陰瘡二曰妬精瘡三曰陰蝕瘡亦曰下疳瘡也。濕陰瘡者由腎

虛風濕邪氣乘之瘙痒成瘡浸淫汁出狀如疥癬。妬精瘡者由壯年久曠房室思色動慾以致敗精流入莖內陰上生瘡赤腫潰爛作白痛痒妨悶。陰蝕瘡者由熱結下焦經絡澁滯或婦人子宮有敗精停留或月水未斷與之交合房勞後又不洗浴邪穢留滯遂令陰莖連累丸腫痛小便如淋。經久潰爛侵蝕肌肉膿血不止遂成下疳瘡久不愈則必成楊梅瘡宜服仙遺糧湯上方見預防之寒熱尿澁宜食正散枋觀濕熱甚則腫痛尿澁莖中痒痛或出白津宜龍膽瀉肝湯上方見腫潰後入物湯訪覈加柴胡梔子知母久服。下疳瘡日久不愈或成便毒或損爛陽物多致危篤俗云疳瘡

末已便毒復來生也。陰頭腫痛生瘡名爲下
疔乃督任衝三脉之會其瘡一生則便毒厲風瘡
次第而來先宜升麻葛根湯門發出繼服涼血
解毒丸即愈不必服輕粉毒藥。如精瘡初發
在陰頭如粟拂之即痛甚出清膿作白孔蝕之大
痛婦人有生於玉門內正似疔蝕瘡但不痛爲異
磨風膏溫潤之。通用消疔敗毒散涼血解毒
丸。

翻丸

涼血解毒丸

治下疔瘡苦參四兩黃連二兩連翹一兩半大黃一兩二錢半惡實生乾地黃

白芷各一兩防風石膏各五錢右爲末荆芥煎湯打糊和丸梧子大空心溫水下百丸。

消疔敗毒散

專治下疔瘡柴胡一錢半黃柏赤芍藥赤茯苓木通草龍膽各九分連翹荆芥

黃連蒼朮知母各七分防風獨活各六分甘草三分右判作一貼燈心一團水煎服。

洗瘡藥

凡下部諸瘡常須藥湯淋洗以去濃汁惡水宜洗瘡湯大豆甘草湯洗毒散洗下疔方。

洗疔湯

治下疔瘡川練子黃連瓦松川椒葱根艾葉右等分煎水以青布蘸洗立效。

大豆甘草湯

治陰蝕下疔瘡甘草一兩赤皮葱三莖黑豆一合槐條一握右濃煎取清候溫

浸浴日二精

洗毒散

治陰蝕瘡及諸般惡瘡蛇床子地骨皮大蓴麻黃荆芥防風枯白礬各三錢葱白三莖煎

湯溫洗研

洗下疔瘡方

黃柏黃連當歸白芷獨活防風朴硝荆芥各三錢入銅錢五十文烏梅五箇鹽

一匙同煎取湯日洗
四五次乃付糝藥

糝付藥 藥水淋洗後乃用糝付之藥宜栢蛤散津調散
鳳衣散早螺散截疳散

付糝或

栢蛤散 治下疳濕瘡黃栢以磁鋒刮取末蛤粉右末
等分糝上即愈蓋黃栢去熱蛤粉燥濕也

津調散 治妬精瘡黃連欵冬花等分右為末先以
地骨皮蛇床子煎水洗拭乾乃津調付

鳳衣散 治下疳瘡鳳凰衣煨即雞抱黃丹各一錢輕
粉片腦各少許右為末乾糝或鴨子清調付

早螺散 治同上白田螺殼煨入腦麝輕粉各少許右
為末香油調搽

殼為
妙藥

珍珠散 治下疳瘡黃連黃栢乳香沒藥孩兒茶輕粉
鉛粉五倍子炒真珠象牙各等分為末以米

泔洗後
糝上

磨風膏 治陰蝕瘡蛇床子五錢大風子十四箇杏仁
二十箇枯白礬樟腦各二錢川椒輕粉水銀

各三錢雄黃一錢半銀硃一錢右為末生麻
油和丸彈子大每用少許呵津遍擦之

一方 治下疳瘡并玉莖蝕了盡用此藥也長出來如
初只少莖頭耳黑鉛五錢化開投二錢半研

不見星入寒水石三錢半輕粉二錢半鵬砂一錢
右為極細末先以葱艾椒煎水洗患處乾糝之亦

治舌被人咬斷
有效如神翻



又方

治年少陽道與強當泄不泄不泄強泄脹斷嫩皮初如鍼眼畏疼不敢泄刮日久連莖潰爛痛

楚日甚用荆芥黃柏甘草生葱地骨皮煎水洗去膿腫以訶子燒灰入麝香少許乾摻患處仍斷房

事臨睡喫冷水勿令陽道與起脹斷瘡腫堅自安矣

又方

莖頭三五乳小漏瘡出血微膿油髮灰津唾調付仍米飲調服一錢甚妙

殼黃連輕粉為末香油調塗。如精瘡陰蝕瘡油髮青黛麝香少許右為末或糝或津唾調付

。陰莖上生瘡取月經布燒灰蜜調塗即愈。下疳瘡蝸牛焙乾枯白礬為末濕則乾糝或油調

付

不治證

下疳瘡重者心中病痛悶絕虛煩甚者不治

瘡

生於兩脚腫爛臭穢步履艱辛此瘡生於膝骨為重以其骨上肉少皮薄故難愈治法當先取虫然

後外貼膏藥內服蠟礬丸。瘡生兩膝上初起焮

勿多行履庶可全愈。瘡生兩膝上初起焮

腫作痛三陰虛也宜八物湯。瘡生兩膝上初起焮

寒少食屬肝腎虛宜八味丸。瘡生兩膝上初起焮

參丸。方見上。外瘡先以葱湯洗次貼龍骨膏

或馬齒膏濕熱者蓋土膏。內瘡先以鹽湯洗

次貼蠟礬紙。內外通用。瘡生兩膝上初起焮

後貼黃蠟膏。瘡生兩膝上初起焮

黃芪丸。瘡生兩膝上初起焮

神捷膏。瘡生兩膝上初起焮

龍骨膏

治外瘡瘡龍骨乳香沒藥密陀僧各二錢海



綿紙兩重以鍼插亂孔香油調藥
夾內縛貼瘡上隔日翻貼之門

馬齒膏

治賺瘡馬齒莧煎取汁一釜入
黃蠟五兩再熬成膏塗之門

窰上膏

治外賺瘡久年窰灶土或灶心黃土黃柏赤
石脂黃丹各五錢輕粉乳香沒藥各一錢右

為末香油調成膏先以茶清洗後油紙攤藥貼之
以巾縛定縱痒不可忍直待結痂去之未愈再貼
門。灶心土以燥濕清熱黃柏之辛以散
火邪乳香沒藥以散瘀血可謂十全矣門

蠟礬紙

治內賺瘡神效綿紙疊十二重看瘡大小剪
成方片以紙燃釘住另用麻油二兩入川椒

四十九粒慢火熬黑去渣入柳枝四十九寸煎枯
黑夫渣入黃蠟一兩枯礬一錢整粉二分俟溶化
即入前紙令油滲透勿令焦黃取起貼時先以藥
水洗拭用紙齊咨貼上以巾緊縛周時取下近瘡

紙一重候紙取
盡則瘡全愈門

黃蠟膏

治內外賺瘡香油一兩入油髮如梅大熬消
化入白膠香三錢黃蠟一兩溶化入龍骨赤

石脂血竭末各三錢攪勻候冷盛磁器每用捏
作薄片貼瘡上絹帛縛定三日後翻過貼之門

粉麝散

治外賺瘡臭爛數十年不愈生龜殼一箇醋
一碗塗灸醋盡為度火煨放冷右為末入輕

粉麝香各一錢和勻先
以葱湯洗後塗上門

神捷膏

治內外賺瘡久年不愈清油半斤先煎入黃
蠟一兩松脂五錢熬至成珠候冷入乳香沒

藥輕粉血竭孩兒茶枯白礬龍骨煨各三錢川椒
四錢右為末攪勻收貯先以藥水洗淨用油紙以
鍼刺孔攤藥貼瘡上二日換三次二日
後一日換一次每換藥必洗淨貼上門



翠玉膏

治廉瘡瀝青四兩黃蠟銅絲各五錢沒藥三錢右將香油半斤同黃蠟瀝青於火上溶化

次下銅綠沒藥末旋旋攪勻成稠將藥傾冷水中看瘡大小捻作餅子貼之以帛繫定三日一易

白膠香散

治內外廉瘡白膠香赤石脂枯白礬各五錢黃丹乳香沒藥輕粉各二錢右為末乾

糝或油調付

單方

治廉瘡黃蠟一兩猪膽一箇輕粉二錢右溶化和勻攤油紙上貼之

石膏各一兩青黛五錢龍骨一錢右為末香油調付

石脂一錢二分右為末香油調付

次三日愈

真珠煨二分枯礬髮灰白麩各一分右為末黃蠟二兩溶化調勻貼之神效

鍼法

乃貼膏藥忌日光火氣陽氣如有黑腫未盡可

再出血以紫黑血盡為度

熏洗方

治廉瘡臭爛先以海桐皮石榴皮煎湯洗後

骨皮代之煨。槐枝葱白川椒煎湯或茶清淋洗

取蟲方

久廉瘡宜取虫生蟪魚數條以清油塗腹下

後取視腹下有小竅皆虫也未盡再付却用死人脚脛骨燒灰油調付

火上炙貼虫出即去之



腎臟風瘡

初起兩足時熱脚跟作痛多於內脛或膝上

之以腎氣丸虛方覲為主佐以四生散助明黃芪丸

入猪腎內煨熟空心鹽湯嚼下尤妙

與腎臟風瘡相類乃三陰經風熱鬱火血燥所致

浮萍黃芩或當歸拈痛湯助覲外治磨風膏

大馬齒膏塗之

生於脚脛或打撲而成其瘡口狹皮內極開皮薄

如竹膜極痒痛黃水淋漓積年不愈又易染他人

患若須忌房室取韭菜地龍糞為末入輕粉清

油調付或白犬血塗之又付檳榔散

腎臟風宜服活血驅風散外用雞心散

大馬齒膏

治兩足血風瘡馬齒草焙乾五錢黃丹黃柏枯礬孩兒茶各三錢輕粉一錢右為末

桐油或麻油調勻攤油紙上先以藥水淋洗搥乾後乃貼之

檳榔散

治足上生瘡潰爛臭穢全蝎七箇斑蝥十四箇巴豆肉十四粒檳榔一箇香油一兩半右

漫火煎先入蝎次入豆次入檳見豆黑色

入蠟一兩候熔去滓只取蠟油人黃柏炙蛇床子

各二錢雄黃硫黃黃丹海螵蛸各一錢白膠香黃

連杏仁輕粉各半錢右為末入蠟油中調勻藥水

洗瘡付之

活血驅風散

治腎臟風瘡痒痛此由肝腎虛為風濕所侵也

蒼朮炒杜仲薑汁炒肉桂天麻

薏苡仁橘紅檳榔厚朴枳殼各六分當歸川芎白

芷細辛白蒺藜炒桃仁白芍藥半夏五靈脂甘草

各五分右剉作一貼薑五片棗二枚同煎入乳香末少許空心服

雞心散

治腎臟風發瘡疥雞心檳榔二箇破開以黃
丹三錢合在內濕紙裹煨全蝎六箇硫黃四

錢入輕粉青黛各半錢麝香少許右和勻磁器收
貯每用少許清油調作兩掌掩外腎女掩兩乳各

睡至醒次日又
用之經驗辨

單方

脚肚上生瘡漸大爬搔不已痒不可忍石榴根
皮煮取濃汁稍冷拂瘡上冷如冰雪即成痂

浸淫瘡

初生甚小先痒後痛汁出浸淫濕爛肌肉延至
遍身用苦練根燒存性為末猪脂調付濕則乾

糝先用苦參大腹皮煎湯洗之門入。浸淫瘡從口
流向四肢者可治從四肢流來入口者不可治

小兒浸淫瘡
宜用苦瓠散

苦瓠散

苦瓠二兩蛇蛻燒灰蜂房微炒各五錢
梁上塵一合右為末油調攤帛貼之

單方

卒得浸淫瘡不早治周身則殺人胡麻生爛
付之鞣。小蘗爛搗新水調付乾則易鞣。秋

米熬黃杵末水調付之鞣。雞冠熱血
付之鞣。胡燕窠中土水和付之鞣

凍瘡

冬月凍傷成瘡流水俗呼為凍瘡宜用生附散白
斂散如神散臘享膏。凍耳瘡爛貝母末乾糝

之。足凍爛生瘡黃丹猪脂調付。足跟凍
瘡潰破以川椒煎湯洗刮去腐肉鍼刺出血馬勃

末調牛骨髓付之。凍瘡雄雉雞腦一枚入黃
蠟等分清油減半熬膏塗之。五倍子煎湯洗

後取兔腦髓雀
腦髓付之鞣

生附散

治凍瘡爛痛生附子
為末麩水調付之

白斂散

治凍耳成瘡黃柏白斂各五錢
右為末鹽湯洗後油調付之



如神散

治凍瘡皮爛不可忍大黃細末
新水調塗瘡上痛止立效

臘享膏

治凍瘡猪脂獾油各二兩半香油二合半海
松子油一合松脂黃蠟各三兩七錢半右各

煉去滓和合成膏先
以藥水洗後塗之

湯火瘡

凡湯火燒傷初時強忍痛急向火炙強忍一時
即不痛慎勿以冷物搨之使熱毒不出免爛人

筋骨用寒水石三兩半黃柏黃連黃芩梔子大黃
赤石脂各五錢片腦少許右為末鴨子清調付酒

調亦可。湯火瘡宜赤石脂散保生救苦散黃
柏散水霜散四黃散燻。火燒以好酒洗之以鹽

付上。皮脫者酒熬牛皮膠付之。湯傷者以淋
過第二次灰滓付之。熱酒傷者糯米粉炒黑末

酒調付之。湯火燒
瘡大黃當歸油調付

赤石脂散

治湯火傷瘡赤石脂寒水石大黃
各等分右為末新水調塗之

保生救苦散

治湯火熱油所傷爛痛寒水石大黃黃
柏各等分右為末生麻油調塗或乾糝

煉

黃柏散

治同上雞子殼黃柏朴硝大黃寒水
石各等分右為末新水調塗之

水霜散

治湯火熱油所傷皮爛肉痛寒水石朴硝青
黛牡蠣煨各五錢輕粉半錢右為末新水或

油調塗
之

四黃散

治同人大黃黃芩黃連黃柏白芨
各等分右為末新水調塗之

單方

湯火瘡黃蜀葵花為末油調付妙或滴水研爛
付亦佳。經霜桑葉焙為末香油調付。



側柏葉搗爛如泥冷水調塗以帛繫定二三日愈
如泥付之。生梨切片貼之不爛止痛。生胡麻爛搗
傷及熱油傷白蜜塗之。竹中白膜貼之日三痛立
止。即愈。醋泥付之。
無痕豆醬汁付之妙。無

飛花瘡

付之內服十全大補湯或八物湯。見二方。雄黃為末
芪歸木外用。藜蘆為末。猪脂調塗。日一易。候元氣
漸復。腫毒將盡時塗之。則努肉自入。否則雖入復
出。若誤用鍼刀蝕。多必危。慎之。中品。錠子專
治翻花瘡。一名綿花瘡。一名廣東瘡。川芎天
花粉各五錢。輕粉二錢。半朱砂。雄黃各一錢。二分
半。麝香五分。右為末。蒸餅和丸。菴豆大。每服七丸
至九丸。溫酒下。飯

中品錠子

專治翻花瘡及癭瘤。白礬三兩。八錢。半。硃砂
五錢。半。朱砂三錢。牛黃七分。半。淡青烟。右為末。麪糊和勻。捻作錠子。量瘡插入。用

單方

治翻花瘡。馬齒莧燒灰。猪脂調付。
人有惡漆者。因見漆中毒。生瘡面痒而腫。遍身
漆瘡。痛生。蟹取黃塗之。蠟。石蟹取汁。頻塗之。靴。臘

茶末油調付。柳枝葉煎湯洗。呷。芒硝湯浸冷洗。
之。針。鐵漿頻洗。即差。靴。井中荅搗付之。靴。
川椒煎湯洗之。即愈。靴。生薑真汁付之。亦可。喇
。雞子黃塗之。靴。韭葉研付之。靴。紫蘇葉搗

爛擦

軟癩

內有膿血也。世謂之熱癩。大如酸。或如豆色。赤而

雜病篇

卷



雞抱卵殼燒灰入輕粉少許油調付之糊。大枳殼一枚去瓢磨令口平以稠麩糊塗四唇覆貼瘡

上自破膿出甚妙

猪頭散

治軟癰愈而復作野蜂房二三箇燒為末另用巴豆肉三七粒清油煎三沸去豆取油調

蜂房末付之立效。又枯白礬末油調付亦效此方療病有效人以猪頭為謝故名之糊

三物散

治鬢邊生軟癰名發鬢有數年不愈用此極妙猪頭上毛貓頭上毛各燒存性各一撮鼠屎一枚右為末加輕粉少許清油調付糊

屎一枚右為末加輕粉少許清油調付糊

大黃膏

治軟癰大黃黃柏當歸各等分右為末以生地黄汁調塗之裕

有名無名諸惡瘡

蒲萄瘡天行斑瘡月蝕瘡內疔瘡瘡走皮癩瘡白蛇纏瘡魚目瘡熱毒

瘡火斑瘡此皆有名瘡也。外皆無名諸惡瘡也。又有洗瘡法殺虫法生。淫諸瘡中風水作

痛法

蒲萄瘡

瘡頭如蒲萄色四圍腫起先追膿盡次用水梅罨之神愈

天行斑瘡

人身發天行斑瘡一身周匝如火瘡皆戴白漿不治則數日必死差後瘡癩一歲

方滅此惡毒之氣所為取好蜜煎升麻數洗拭塗之。又煮葵菜葉以蒜蘸吹之數日即止

月蝕瘡

小兒多有之生耳後隨月盛衰胡粉炒黃枯白礬黃丹黃連輕粉各二錢乾胭脂一錢麝

香少許右為末香油調塗。又黃連枯礬末付之妙

內疔瘡

生於口上腭初發如蓮花根蒂小而下垂乃大治法以鈎刀決其根燒鉄烙以止其血次

以雄黃輕粉粉霜白芷白欬為末付之以槐枝作枕支其牙頰間母使口合一兩時許瘡癢定合口

自便次日出膿生肌散付之

痼瘡

生手足間相對如新菜莫痒痛拆裂有孔如蝸久不愈杏仁乳香各三錢硫黃輕粉各一錢半

右為末麻油三錢入黃蠟五錢熔化入前藥末攪煎成膏塗之

走皮癩瘡

生滿頰項發如豆梅蔓延兩耳流汁濕爛先用桑寄生

黃連各少許煎湯洗之候血盡次用皂莢竹笋皮燒存性黃柏白芷藍葉等分為末清油調塗神效

手癩瘡皂角枯礬輕粉黃柏黃連為末敷之小兒胎瘡頭生紅餅瘡先以艾葉白芷大腹

皮葱白煎湯洗後生藍藥生艾葉入蜜搗付

蛇纏瘡

身上生瘡有頭尾儼似蛇形初起宜隔蒜於頭上炙之雄黃為末醋調付之又酒調服之

遍身生瘡狀如蛇頭取蠟礬丸勸每服百九大有神效

魚目瘡

遍身生瘡如魚目無膿又名征虜瘡升麻剉水濃煎入蜜二三匙翹翎蘸拭洗瘡得

熱毒瘡

遍身生熱毒瘡痛而不痒粘着衣被夜不得睡菖蒲作末厚布席上恣臥其間不五七日

其瘡如失應手神驗宜用紫草膏葵花散

火斑瘡

人常近火則多生火斑瘡出汁痛痒黃柏薄荷葉為末參之即安或煎湯洗亦佳

諸般惡瘡

諸般遍身瘡及惡瘡出膿血痛痒宜涼血飲又平血飲合人參敗毒散

疎風解毒散合掌散松脂貼散二黃膏貝母膏金華散爐灰膏青金錠子一掃光生肌散黃蠟膏洗



藥方殺虫方生肌方諸
瘡中風水方單方瘡

平血飲

治諸瘡遍身出膿血痛痒即升麻葛根湯助
加生薑薄荷生地
黃麥門冬煎服

涼血飲

治血熱生瘡赤芍藥黃芩川芎荆芥生苧麥
門冬天花粉甘草各一錢右剉作一貼入燈
心十莖竹葉
十片煎服

連翹飲

治惡瘡遍身痛痒及血風瘡連翹赤芍藥當
歸荆芥防風惡實川芎梔子黃芩瞿麥木通
生乾地黃瓜蒌根麥門冬甘草各七分
右剉作一貼入燈心一團水煎服

疎風解毒散

治遍身瘡痒痛白芷細辛蒺藜子炒麻
黃檳榔當歸鬚生乾地黃川芎赤芍藥

獨活白牽牛微炒桑白皮炒蒼朮炒枳殼甘草
各七分右剉作一貼入黑豆七十粒紫蘇五葉生
薑五片同煎服

紫草膏

治熱毒瘡紫草茸黃連黃柏漏蘆各五錢赤
小豆末菜豆粉各一合右為末猪脂或清油
調日三付搗

葵花散

治一切熱瘡鬱金黃連黃柏梔子葵花
各等分右為末冷水調膏貼之神效

合掌散

治遍身生瘡百藥不效檳榔五箇為末硫黃
生研五錢輕粉半錢右為末每一錢安手掌
內油調夜臥時塗外腎不得洗
手但擦手令乾一二日即愈

松脂貼散

治一切惡瘡及無名瘡黃柏黃連松脂
膩粉土蜂窠微者甘草各一錢右為末另
雜病篇



取水銀一錢放在掌心以唾擦為泥入磁器中和藥末及清油令如稀餈先以藥水洗瘡拭乾塗之即愈治疥尤妙

二黃膏

治一切惡瘡清油三兩煎巴豆肉一十粒微黑色去豆入黃蠟一兩熔化又入硫黃雄黃

末各一錢和勻成膏以藥水洗瘡後擦付二三次神效

貝母膏

治諸惡瘡貝母三錢半夏南星各五倍子白芷黃柏苦參各二錢半黃丹錢半雄

黃一錢右為末蜜水調付或乾糝糊

金華散

治一切濕熱惡瘡亦療小兒黃丹一兩黃柏黃連各五錢輕粉一錢右為末藥水洗後糝

之貼之研

爐灰膏

治一切惡瘡除去

青金錠子

治諸惡瘡膿出不快及多年疔癩瘡白丁香銅綠礪砂粉霜輕粉各五分麝香龍腦

各一字右為末麩糊和搥作錠子緝入瘡口中或糝付亦可

一掃光

治小兒頭瘡及多風子瘡痒成瘡膿水不止細茶水銀各一錢同研細牙皂川椒各二錢

右為末油調擦上翻

生肌散

治一切瘡飲口大效寒水石煖滑石各一兩烏賊骨龍骨各五錢蜜陀僧枯白礬乾胭脂

定粉各二錢半右為末乾糝瘡中妙

黃蠟膏

治諸瘡能生肌香油黃蠟松脂各等分右熔化待凝貼之加油髮灰尤妙

洗藥方

治諸般惡瘡黃柏茵陳荆芥葱白藿香煎水
淋洗為妙。洗諸般惡瘡毒艾葉細茶葱

白桃枝柳枝川椒濃煎湯入鹽頻洗。

殺蟲方

治惡瘡有虫膽礬輕粉乳香各一錢礬砂雄
黃土蜂房各二錢龍骨虎骨白礬露蜂房各

二錢半麝香五分片腦一字右為末藥水煎後付
之神效。諸瘡殺虫檳榔五錢黃連二錢半穿

山甲五片燒灰麝香一字右為末茶清調
塗。諸惡瘡有虫須用斑貓藜蘆。

生肌方

凡治惡瘡令生肌宜用生肌散翠霞散黃蠟
膏。凡看瘡內肉黑色勿上生肌散。

用消蝕之藥直待黑肉去盡方可上生肌散。
如開瘡口用生肌去死肉用煨砒生好肉去砒加

枯白礬。

諸瘡中風水發腫毒

凡瘡瘍未合風人為破傷風濕
人為破傷濕二者害人最急宜

慎之。諸瘡人皂角水及惡水熱痛不止皂角
子燒存性研二錢半砂糖末五錢和勻如膏貼瘡

上。諸瘡中風水疼腫鯉魚目燒灰研付汁出
即愈。諸魚目並得。又方川椒一升和麩作餅

灰火煨熟斷開口封合瘡上冷則易出水即差。
又方桑柴灰淋汁漬之冷復易。又方葱白

連鬚煮湯洗之或連莖葉煨研署付。又方薤
白搗爛火多令熱付瘡上以帛裹定冷則易出水

即差。

單方

治惡瘡及諸瘡生胡麻油塗之妙生麻油亦可
馬齒莧爛搗付上便愈。熊膽汁塗之

妙。大膽亦可。蟾蜍燒灰油調付諸惡瘡甚妙。
久遠惡瘡不差。蛇蛻皮燒灰猪脂調付。



朝生暮落花一名鬼蓋即朝菌也生糞穢處如菌
 作末和油塗之甚佳牛糞上黑菌尤佳。一切
 惡瘡蠅蜈十枚端午日收乾作末油調付。臘
 猪脂療惡瘡和雄黃輕粉付之妙。鼯鼠膏主
 惡瘡塗之妙。經霜芭蕉葉為末香油調付。研
 石灰淋取汁温洗妙。雄黃硫黃治惡瘡為
 第一。一婦人臍下連二陰患惡瘡熱痒而痛
 大小便澁出黃汁百治不差。有人教先以温水洗
 拭取馬齒莧四兩青黛一兩同研勻付瘡上乾則
 易新者仍服八正散妨。二十日全愈。諸惡
 瘡貝母末入雄
 黃少許摻之。

東醫寶鑑雜病卷八下終

特1

2498



国立国会図書館 請求記号 特1-2498

タイトル『東醫寶鑑内景篇4卷外景篇4卷雑病篇11卷湯液篇3卷鍼灸篇1卷目2卷』

ガラス使用